

東

華

續

錄

東華續錄

光緒一百二十九

臣朱壽朋敬編

臣潘鴻鼎恭校

八月辛未諭御史易俊奏請變通內閣中書補缺班次等語著吏部議奏○諭御史易俊奏請裁減鄉會試中額並各省學額各摺片著禮部議奏○壬申楊昌溶奏前因礮台縣屬米拉溝逆回數亂檄調著涼州鎮總兵劉瑛率帶鎮標新練步隊一營馳赴平番防剿旋據該署鎮總兵報因恐回逆過河進款礮台交界要口窺街地方該逆三次渡河經署鎮親身帶隊堵拿礮斃十餘名落河未能過渡奪獲渡筏五支惟沿河六十餘里防不勝防該逆旬結馬營四那溝等處逆賊於六月十一日夜從他處偷渡該署鎮探知於十二日早即率全隊迎擊自辰至申礮斃該逆數百名無如該逆愈聚愈眾共約四千餘人四面擁圍我兵火藥用完寡不敵眾遂致敗退陣亡右哨長羅步前一員勇丁余長廉等五十三名等情業經臣於六月二十二日電奏在案臣查該署鎮劉瑛勇敢有爲此次接仗失利實以兵力過單情尚可原已批令趕緊整頓隊伍駐紮平番歸甘肅提臣李培榮統帶進剿迅殲醜類下部知之○癸酉夕月於西郊上親詣行禮○諭前據御史易俊奏參安徽英山縣知縣尹允照積壓案件濫行索賄等款當諭令嚴

潤確查具奏茲據奏稱查明尹允照被參各款均無實據惟連年積案多至百有餘起實屬有辜職守英山縣知縣尹允照著卽行革職以肅官方○譚鍾麟奏廣東設立同文館以來於同治六年十月因各生學有成效經前署將軍慶春會同前兩廣總督瑞麟等考察擇其文藝堪以造就者咨送六名到京經理各國事務衙門考試均堪造就奏准作繙譯生監准其一體鄉試分別派充將軍督撫各衙門繙譯官行令嗣後該省於學生等三年學成後卽行奏明分別給予生監併派充繙譯官如有精通西語西文才識出眾者另行送京考試授以官職等因嗣於同治十年三月已屆三年經前任廣州將軍長善會同前兩廣總督瑞麟等照章奏明辦理續經將軍長善等查各衙門繙譯官有名無實奏准將繙譯官裁撤於諸生中擇其西語優長者每遇接臨洋人時令其來署代傳言語年終考核擇尤稿賞以節糜費復於同治十二年及光緒三年六年九年十二年十五年十八年慶屆三年期滿均經前任廣州將軍長善繼格等先後遵照定章奏明辦理在案效自光緒十八年五月起至本年五月止同文館諸生學習又閱三年自應遵照定章將學成諸生認真考試經臣譚鍾麟等飭委該館提調協領劉紹基會同西教習甲瑪士在於各學生內擇其平日好學於西語西文較能通曉者開送十七名前來臣等公同面試先以漢字題令繙譯西文復以西學題令繙譯漢文考得鎮白旗滿洲童生柏銳正紅旗漢軍童生焦益顯正白旗漢

軍童生李光瀛陳陞正黃旗滿洲童生恩普正白旗漢軍童生孫永和監生蕭鴻釗正紅旗漢軍童生焦益安南海縣監生葉堯階等九名漢文尙屬平通據西教習申瑪士評閱西文亦無大謬均堪造就理合奏明請將柏銳焦益顯李光瀛陳陞恩普孫永和焦益安等七名各給予編舉生應請作爲監貢生均准其一體鄉試仍飭在館學習以期學益深粹其餘學生查其優劣分別去留以示懲勸得旨如所請行

○甲戌 上幸頤和園詣 慈禧端佑康頤昭豫莊誠壽恭欽獻崇熙皇太后前請安○還宮○乙亥諭軍機大臣等有人奏參全營翼長常興剋扣兵餉等情著恩溥確切查明據實具奏原片著鈔給閱看將此諭令知之○丙子諭軍機大臣等楊昌濬等奏循化解圍情形並河州擊賊禮勝各一摺覽奏均悉所有出力員弁著查明暫行存記○譚鍾麟等奏廣東兩次人員過多請將捐納勞績兩項道府以下並鹽務官員暫停分發三年下吏部覈奏○丁丑祭 先師孔子廟遣麟書行禮○諭軍機大臣等有人奏江蘇署太倉州知州金元煇貪酷任性州城陸姓一案得賄勒令私和且有擅賣生員情事請飭查明懲處等語著趙舒懋確切查明據實具奏原片著鈔給閱看將此諭令知之○張聯桂奏前准戶部咨籌餉緊要奏准將光緒二十一年外省文武大小官員養廉核扣三成歸軍餉動用等因咨行到粵臣維時艱財匱籌款極難部議扣養廉實不得已而爲節省之計文職州縣以上武職參游以上養廉較厚自應遵

照核扣至微員未秩祿暫所入事高兼資廣西爲邊徼之區僻境窮荒著名瘠苦舟車升斗取給糊養廉數本無多辦公已形竭蹶若再核扣三成 國帑所省幾何而微員愈形困乏粵地官况實與內地各

省迥別據藩司詳請奏明援案免扣前來 臣查係屬實在情形現在陝甘新疆各省先後奏准免扣廣西

事同一律所有文職藩臬兩司各首領並各屬佐貳雜職武職都司以下各官三成養廉銀兩懇 恩准

免核扣以示體恤得 旨如所請行○戊寅祭 社 稷壇 上親詣行禮○上詣 泰先殿 壽皇殿

行禮○恭壽等奏查贖對番部自改隸西藏以來恃其地險人強往往侵擾附近土司越界滋事上年五

月前督 臣劉秉璋任內接據阜和協副將徐聯魁打箭爐同知趙垣轉據明正土司稟報贖對番官藉清

查明正所屬瓦述三村爲名派令頭目統率番土各官屢次越境滋事擾及明正部落焚殺搶擄以致瓦

述夷民逃竄無蹤等情當經咨明駐藏大臣嚴飭該番官迅速撤兵回藏不得肆肆滋事在案迭准駐藏

大臣咨飭該商上皆馳一面之詞噴噴不休本年閏五月 臣到任之後復據打箭爐文武稟報曉番頭目

現又領兵在明正所屬道場等處地方盤踞維時正值駐藏幫辦大臣訥欽料理起程 臣等與之公同商

酌必須委員前往川藏交界查明妥斷以弭邊衅當咨明駐藏大臣嚴飭該番官迅速撤兵聽候查辦一

而派委候補道判察雲龍迅速出關相機妥辦察雲龍甫經出關番兵旋即退去隨派角洛噶達兩汛弁

持諭前往開導乃該番官抗不遵調出言不遜奈雲龍當即折回遂以該番官對堆奪吉僧官夷喜吐布丹橫惡異常叛跡已露非語言所能開導等情稟復並稟達駐藏大臣查核等查核雲龍所稟詞涉張皇又以打箭爐文武於此案情形並不據實隨時稟報乃延宕經年毫無頭緒當經一併撤換另派副將陳均山同知郭鳳鳴前往接署勸令會同確查詳細稟復茲據查明此案實由爭佔那珍三村卽瓦述三村而起緣瓦述三村本係革布什咱土司遊牧之地並無村落自道光年間瞻對工布耶結叛亂革布什咱因瞻對番官彭傑巴強橫一切聽其指使初以瓦述三村夷民助其守寨旋卽據爲己有而三村夷民不服情願投歸明正旋以瞻對恃強追索明正遂爲每年折納糧賦銀四五十兩旋加至七八十兩於是瓦述三村遂歸明正所轄上年春間該番官對堆奪吉等忽又索取人民不肯收銀該村民不肯歸附曠有怨言該番官卽先後分派堪布治桑巴頭目如本率領多人分往瓦述三村地面需索夫馬口糧任意搶擄該村民畏其兇惡逃入明正別境藏匿該番官派兵追尋竊寫傳牌分赴明正所屬之少石石角窩喇嘛寺等處焚殺搶掠大肆蹂躪明正亦卽調兵抵禦互有殺傷比以瓦述頭目阿家奪洛鎗斃小番官一名該番官復挾忿添兵大肆滋擾並竊佔明正角耳夾壩石恩娘三百戶不還至此次瞻對退兵因傳聞明正派兵救援並聞駐藏幫辦大臣訥欽不日過境遂陸續退去迨委員察雲龍派委汎弁前往開

導行至距贛對官察里許橋邊爲番兵持械阻擋不令前進該汛弁見難以開導卽行折回現時明正瞻對暫未滋事等情稟覆前來臣等覆查贛對明正現在雖已罷兵惟前次兵端之啟實由爭佔瓦述三村現據查明瓦述三村既非明正所應有而明正所轄之思娘三百戶贛對又霸佔不還若不由川藏會派委員爲之斷結恐孽衅報復後患仍無已時至贛對改隸西藏之後曾經川藏派員勘明劃分川藏界限奏明有案該番官自應各安本分管轄所屬部落乃年來屢次越界滋事此次與明正構兵經查辦委員派委汛弁持諭往調輒敢抗違不遵實屬強橫恣肆惟聞駐藏幫辦大臣過境遂卽退兵似尙有畏懼之心未可遽謂爲背叛惟商上袒護番官以致該番官對堆奪古等敢於越界滋擾似非卽予撤參不足以示懲戒而杜後衅臣現仍責令打箭爐文武嚴飭明正土司自守疆土不准孽衅構兵並咨駐藏大臣速將駐贛番官對堆奪古僧官夷喜吐布丹迅速一併撤參嚴飭該商上另派妥員接管聽候查辦一面另由川藏各派明幹之員調集兩道秉公查辦以杜爭端如該番官再敢抗不遵調越界構兵則是情同叛逆臣等惟有選派將領帶兵前往相機辦理屆時再當陳奏決不敢輕啟兵端亦不敢優忽貽誤 上諭

軍機大臣等前據奎煥奏贛對官領兵越界滋事當將番官對堆奪古僧官夷喜吐布丹革職並分別諭令鹿傳霖奎煥體察情形妥爲辦理茲據恭壽鹿傳霖奏番官對堆奪古等滋事情形與奎煥前奏大略

相同據稱該番官聞幫辦大臣訥欽過境遂卽退兵等語該番官等尙有畏懼之心卽可相機開導著恭  
爵鹿傳霖會同奎煥訥欽飭令派出各員秉公查辦以息爭端如該番官再有抗違情事亦當設法妥辦  
切勿輕啟兵端是爲至要將此各諭令知之○己卯諭各國設立教堂迭經諭令各省督撫嚴飭地方官  
加意保護以期民教相安本年五月間四川省城匪徒滋事打毀東校場教堂省外各處旋又屢出教案  
皆由地方官平日不知勸規百姓致釀事端追鬧事後又不趕緊懲辦該督劉秉璋督率無方厥咎甚重  
御史吳光奎奏參省城滋事之始劉秉璋置之不理並未派兵彈壓無業遊民愈聚愈多以致省外教案  
層見疊出該督任意廢弛有負委任著卽革職永不敘用以示懲儆其餘辦理不善之道府等官著鹿傳  
霖確切查明分別參辦○給事中端良奏查外城修理街道例由五城發商生息欸內酌提應用每年約  
用銀一千八百餘兩聞此項向存管理街道事務滿漢科道私宅積習相沿辦理本屬失當乃被本年管  
理街道事務之工部員外郎魏晉楨列欸指摘屢在都察院呈請代奏而京畿道御史批駁又失其平以  
致該員肆意刊列呈批數千百張各處傳送人言嘖嘖物議沸騰因思科道等官置身清要豈可任令該  
員肆言誹謗物必先腐而後蟲生聖語之來豈能無故查各項生息銀兩統歸五城正指揮經理謹擬請  
旨飭下管理街道事務科道等嗣後此欸無庸提存私宅如各城街道遇有應修要工准由該城正指



揮呈請街道總滿漢科道司員公同查驗勘估用款若干即成該指揮督率修理造冊報銷仍由滿漢科道等不時查勘如有浮開冒銷工料不實暨擅動存款致有虧短等弊即行指名履參責令賠修以昭核實而免物議 上諭給事中端良奏外城修理街道發商生息銀兩請歸五城正指揮經理等語著該

衙門議奏○庚辰 上幸頤和園詣 慈福端佑康頤昭豫莊誠壽恭欽獻崇熙皇太后前請安○還宮

○諭軍機大臣等戶部奏籌撥甘肅新餉一摺現在回匪滋事甘肅關內外各軍餉銀尤關緊要經該部將光緒二十二年新餉指撥湖北省銀三十三萬兩著該督撫等嚴飭司道按照部撥數目於本年十二月底趕解三成至來年四月底再解三成其餘四成統限九月底止掃數解清○諭給事中戴恩溥奏京倉以放代盤請酌定限制以免弊混而保積儲一摺著戶部會同倉場衙門妥議具奏○王文韶奏據津海關道盛宣懷稟稱自強之道以作育人才為本求才之道以設立學堂為先光緒十二年前關道周馥請在津郡設立博文書院招募學生課以中西有用之學嗣因與稅務司德理琳意見不合籌款維艱致將造成房屋抵押銀行未能開辦惟學堂遲設一年則人材遲出一年日本援照西法廣開學堂書院不特陸軍海軍將弁取材於學堂即外部出使諸員及製造開礦等工亦皆取材於學堂中國智能之士何地蔑有但選將材於僑人廣眾之中拔使材於詩文帖括之內至於製造工藝則皆用不通文理不解測

算之匠徒而欲與各國絮長較短難矣該道擬請設立頭等二等學堂各一所以資造就人材惟二等學堂功課必須四年方能升入頭等學堂頭等學堂功課亦必須四年方能造入專門之學不能驟等現擬通融求速二等學堂本年即由天津上海香港等處先招已通小學堂第三年功夫者三十名列作頭班已通第二年功夫者三十名列作二班已通第一年功夫者三十名列作三班來年再續招三十名列作四班合成一百二十名爲額第二年起每年即可拔出頭班三十名升入頭等學堂其餘以次遞升仍每年挑選三十名入堂補四班之額源源不絕此外國所謂小學堂也至頭等學堂本年先招已通大學堂第一年功夫者精選三十名列作三班來年即可升列第三班並取二等之第一班三十名升補頭等第四班之缺嗣後按年遞升亦以一百二十名爲額至第四年頭等頭班三十名准給考單挑選出堂或派赴外洋分途歷練或酌量委派洋務職事此外國所謂大學堂也該道與曾充教習之英國駐津領事丁家立考究再三酌擬頭等二等學堂章程功課必期切近易成約計頭等學堂每年需經費銀四萬餘兩二等學堂每年需經費銀一萬五千餘兩共需銀五萬五千餘兩現值 國用浩繁庫款竭蹶事雖應辦而資費難籌查津海鈔關近年稅項尙旺該道情願每年倡捐銀一萬五千兩又天津米麥進口自光緒十九年稟明每石專抽博文書院經費銀三釐每年得收捐銀三四千兩今擬每石改收銀五釐尙不

為多又電報局眾商每年擬捐繳英洋二萬元招商局眾商每年捐繳規銀二萬元統計每年可收銀五萬四五千兩以之撥充學堂經費不相上下所有頭等學堂即照前督臣李鴻章批准周馥原議以博文書院房屋為專堂現經廣西臬司胡燏棻設法籌款向銀行贖回至應購格致化學器具書籍等項及聘請教習川資創辦應用各款不在常年經費之內計自光緒十九年起至本年四月止米捐存銀八千餘兩應即核實動支其二等學堂須覓地另行蓋造擬在開辦初年教習學生尚未齊全應餘經費內提用毋庸請撥公款房屋未成之先借用頭等學堂暫行棲止擬定章程功課稟請具奏立案前來臣查光緒二十一年閏五月二十八日奉 上諭自來求治之道必當因時制宜況當國事艱難尤宜上下一心圖自強而弭隱患朕宵旰憂勤懲前毖後惟以調除痼習力行實政為先疊據中外臣工條陳事務詳加披覽採擇施行如修鐵路鑄錢幣造機器開礦產折南漕減兵額制郵政練陸軍整海軍立學堂大抵以籌餉練兵為急務以恤商惠工為本源皆應及時舉辦等因欽此設立學堂即其中應辦之一端凡鐵路機器開礦治軍諸務均可以西法為宗則造就人才尤當以學堂為急該道仰體時艱本任及經管招商電報各局設法籌款創辦此事不動絲毫公帑洵屬請求時務公而忘私所擬章程亦均周妥應即照辦惟堂內事務繁重必須通曉西學才堪總核之員認真經理方不致有名無實查二品銜候選道伍廷芳

堪以委派總辦頭等學堂同知銜候補知縣蔡紹基堪以委派總辦二等學堂並延訂美國人丁家立爲  
總教習一切應辦事宜仍責成盛宣懷會商伍廷芳等妥速辦理以免因循虛曠歲月其會辦提調監督  
等名目一概刪除藉省開銷而杜紛雜下所司知之○辛巳以黃卓元爲內閣學士○壬午諭溥齡等奏  
應修工程請派員勘修開單呈覽一摺 著陞哈萬年吉地工程應行修葺之處著派剛毅前往敬謹查  
勘○癸未諭刑部奏司員呈請投効甘肅軍營據情代奏一摺刑部學習主事彭恆湘著毋庸發往○刑  
部奏內閣鈔出光緒二十一年七月三十日奉 上諭御史楊福臻奏各省待質公所請飭裁除一摺著  
刑部議奏欽此鈔出到部臣等議得據山東道監察御史楊福臻奏稱近年各州縣多設待質公所一切  
干連人證及輕罪人犯悉拘押此中問官不卽審結彌月經年饑寒交迫疫癘頻生家人不許通問差役  
橫加需索稍不遂意卽加凌虐或將辨髮繫於穢桶引其兩手環抱使穢氣衝入口鼻或置於木盆而繫  
之椽上另以繩索使婢發令其眩暈嘔吐或繫兩手大指於高處令其兩足離地經數時之久手指長至  
數寸或以烟薰鼻使之刻難忍受其他凌虐尙多皆屬不可思議被押者多至瘦斃聞之惻然溯查原任  
貴州巡撫黎培敬據前兩淮鹽大使湯用中原議具奏經刑部議准添設待質公所通行各省係屬臬司  
提案押斃人命因設此所以期杜弊意固其善無如所議仍不離乎拘押則弊且益滋原議謂人證羈押

公廩無以營生官捐數十文典守者恣意剋扣宜從薄庫撥款每名准支口糧不知差役賁酷萬古不移  
出自官捐者剋扣撥從薄庫者卽無剋扣乎原議謂派委丞倅專司其事舊押新收造冊詳報其所以處  
此舊押新收者何若不得而知也原議謂疾病死亡造冊詳報其所以致此疾病死亡何故人不得而知  
也原議謂以疲斃之多寡定委員之功過夫監斃罪囚當有處分疲斃無辜僅止記過足以示懲儆乎原  
議謂凡待斃之人經發該所是恐無妥保也而議中又有疾病取保醫調一條豈未病時無妥保致病時  
卽有妥保乎既有妥保矣則何不取保於未病之先必待其羸押既久釀成疾病而後取保仁耶不仁耶  
繼之一經拘押則授桶差役雖設嚴法萬難杜其弊端卽使訟而得直而被此拘押固已蕩產傾家且查  
當日定議祇爲臬司提案而設不知何年各州縣提審本地案件亦多倣此辦理例文防患甚周故除監  
禁重犯外其餘皆令保候審理若設所拘押是監之外又添一監顯與例禁倉舖所店之義相背伏懇  
飭下刑部將通行章程內添設待質公所一條刪削並令各省督撫府尹迅飭臬司各州縣凡有待質公  
所立卽裁除永遠不許復設其應審案件隨卽審結有必須候質者遵例取保候審不得拘押違者嚴參  
等因其奏前來臣查例載內外大小問刑衙門設有監獄除監禁重犯外其餘干連並一應輕罪人犯卽  
令地保候審理如有不肖官員擅設倉舖所店等私禁輕罪人犯及致淹斃者該督撫卽行指參照律

擬斷又直省審辦案件罪輕及干連人證交保看管該書差串通請案於凌虐罪人本律上加一等治罪賊重者以枉法從重論其押保店名目嚴行禁革又督撫應題案件有牽連人犯情罪稍輕者准取的保俟具題發落其重案內有挾嫌扳告者承問官申解督撫詳審果係誣枉即行釋放不得令候結案若承問官審係無辜牽連者不必解審即行釋放止將原供申報又律載獄卒非理在禁凌虐毆傷罪囚者依凡鬪傷論因而致死者絞監候又例載犯人出監之日提牢官司獄細加查問如有禁卒人等凌虐需索者計賊治罪各等語是牽連罪人證候保審理及獄卒凌虐罪囚分別治罪律例均載有明條至光緒二年間據原任貴州巡撫黎培敬以臬司提審案件干連人證不能不與俱來此輩或由牽涉或被誣指或屬屍親或係詞證皆非有罪之人一經牽入其在木州縣已受宵役之迫呼里保之抑勒不免破產傾家迨至批解到省遠者千餘里近亦數百里廢時失業一奉鞫押公廨即與囚犯無殊既不能食力營生又無人顧送衣食所恃每日官捐數十文藉以度命尙聽典守者恣情剋扣任意凌虐此死亡相繼駢肩連首所以冤苦難伸也按罪囚入獄例有衣糧及醫藥等項此牽連待質之人獨聽地方官勸辦養活事等具文坐令饑困至無傷可喻無冤可鳴無怪首府縣及委審諸員皆習而忘之大吏無從知覺弊由臬司提審不速結州縣解犯不齊全經費無正項經營無責成酌擬州縣擇本城按司獄署內建造房屋

一所凡臬司提案一切待質緊要人證不發首縣徑發公所委員專司其事每月造具清冊詳載拘押新收開釋實存各人數並疾病取保醫調死亡驗明棺殮詳報院司年終核計疲斃人數之多寡以定委員之功過等因具奏經臣部查核係爲矜恤庶獄俾專責成起見並經會同吏部戶部議定州縣解犯不齊處分委員功過章程及所附經費人證口糧從藩庫撥款均經照准奏請 飭下各直省督撫府尹各就地方情形一體籌辦奉 旨允准通行各省遵辦在案茲據該御史以添設待質公所差役需索凌虐不可思議被押者多至瘕斃顯與例禁倉舖所店相背請將各省臬司及各州縣此項公所一併裁除等因奏奉 諭旨著臣部議奏臣等查未經添設待質公所以前各省臬司提審案內干連輕罪人證皆因照例取保聽候審理矣何以該撫參培敬原奏聲稱此輩非有罪之人一羣羈押公廨卽與罪囚無殊典守者恣情克扣任意凌虐致死亡相繼駢肩連首等語可見當日雖無設立班館名目而其實不免羈押於是待質諸人被押受害有慘不忍聞者該撫洞悉情形非此不足以救弊是以採擇湯用中原議設立此項公所並議及提款籌辦等項法至良意至美也吏戶及臣部敢請其用意慈祥籌維周密是以會同議准覆奏今該御史請將設立此項公所章程一律刪削特未思臬司提審與州縣傳訊情形不同州縣傳訊近在咫尺一鄉一邑之間雖無親故或能取具的保且有地保保候審理至臬司連在省城鄉曲小民

相距千餘里或數百里不等提解到省類皆舉目無親竊恐無人承保者十恆八九且餐宿需錢久暫無  
定力能籌備川資者更有幾人概令其露宿枋腹以待勢必有所不能一經設立公所既爲代謀棲止復  
又籌給口糧實屬利益窮民至疾病取保醫調死亡驗明棺殮亦體恤周至之意不得因取保二字便  
以詞害意謂人人可取具的保設使取保聽傳毫無窒礙此至簡至便之事該撫黎培敬勸求民隱豈遂  
見不及此而必欲多方籌辦委曲詳盡者其不得不然之苦衷可以想見與其務取保之虛名致各直省  
陽奉陰違何如存公所之善舉尙可以實事求是原議派令丞倅各一員專司其事凡待質之人不發首  
縣一條實由於首縣公務繁多若令首縣管押非假手家人卽糧蹄書役仍與州縣私設之班館無異惟  
派員管理責任既專事事皆可躬親耳目切近該委員天良其在抑且自顧者成何至任聽差役肆行剋  
扣凌虐況造冊詳載舊押新收開釋實存各人數事畢卽當放回不致任意拘留其所以開釋者是否由  
於疾病死亡亦可因之考察儻實係經理未協痠斃多命或致凌虐至死誠如該御史所云僅止記過不  
足示懲該管臬司所司何事豈能毫無聞見應詳由該督撫指名嚴參按律治罪若如該御史所稱各種  
凌虐至於此極恐多係不肯州縣私立班館待質公所名目影射掩飾以致百弊叢生與倉鋪所店等名  
又何以異自應照例一體嚴禁有犯前項情弊亦卽嚴行懲辦此風庶可止息其臬司提審添設待質公



所章程係專爲矜恤干連人證力除積弊起見未便因一人一時之辦理不善竟行裁除致失原奏之本  
意但恐立法雖善往往奉行不力日久弊生應請 飭下各直省督撫府尹督飭臬司隨時稽察如有凌  
虐等弊務須剔除淨盡以副 朝廷慎重民命之至意 上諭前據御史楊福臻奏請將各省待質公所  
一律裁撤當經諭令刑部議奏茲據該部遵議覆奏各直省待質公所前經該部議准係專指臬司提審  
各件矜恤干涉人證起見立法本極周備何以奉行不善日久弊生竟有尅扣凌虐情事著責成各省臬  
司實力稽查如有該御史所奏各項情弊將各委員該從嚴懲辦至各州縣影射待質公所名目私立  
班館實屬大千例禁著各省督撫府尹通飭所屬一體嚴禁以杜弊端○甲申山西巡撫張煦卒予卹如  
例○丁亥准熱河都統崇禮開缺回旗調理○福州將軍慶裕卒予祭葬○調胡聘之爲山西巡撫魏光  
燾爲陝西巡撫以黃槐森爲雲南巡撫○諭御史陳其璋奏吏部選補例章未能盡一請詳加釐定及捐  
納到部絀中進士人員保送京察扣俸年限請分別辦理各摺片著吏部議奏○戊子以游智開爲廣西  
布政使○己丑諭御史管廷獻奏東三省屯政宜及時舉行一摺著戶部議奏○辛卯 上詣 壽皇殿  
行禮○諭福建候補道楊汝翼藉口欠餉抗繳軍械前經邊寶泉奏參革職茲據該督奏稱查明該革員  
遺散營勇辦理乖方幾釀事端似此居心狡詐之員亟應從嚴懲辦已革福建候補道楊汝翼著永不敘

用以示懲儆○諭王文韶奏北洋事務殷繁請調文武員弁差遣各摺片雲南補用道翁壽麟湖南補用道張鴻順候補道左孝同孫寶琦雲南候補知府韓銖雲南補用知縣陳時福雲南補用副將黃呈祥浙江海口鎮標右營水師游擊歐陽慶湖北補用游擊龔先第湖南補用都司李洪斌均著發往直隸交王文韶差遣委用准其擇尤保獎○壬辰 上幸頤和園詣 慈福端佑康頤昭豫莊誠壽恭欽獻崇熙皇太后前請安○還宮○癸巳調裕祿為福州將軍以依克唐阿為盛京將軍○以壽齡為熱河都統○諭剛毅奏遵查 普陀峪萬年古地工程應行修理一摺著派徐桐敬信前往敬並勘估○甲午諭前因四川省有迭毀教堂之案業經降旨將辦理不善之前任總督劉秉璋從重懲辦茲恭壽鹿傳霖奏稱現經切實查辦捕獲首犯朱瑞亭等二十四名訊明就地正法者六名撥軍流枷杖者十七名自足以昭炯戒而儆將來所有辦理不善之單州知州周鳳藻著大邑縣知縣沈炳著冕甯縣知縣任富良新奉縣知縣粟秉澂縣知縣范萬選業經參撤外辦理保甲局候補道周鎮瓊著撤去差使交部議處著成都府知府唐承烈華陽縣兼署成都縣候補知縣黃道榮署城守營遊擊向慈樂山縣知縣洪祖年署樂山汛千總黃承烈均著交部議處四川省各國教堂林立鹿傳霖等務當嚴飭所屬實力保護毋許再有疎虞並飭各州縣隨時勸諭曉諭以利害務期猜嫌盡釋民教相安用副朝廷綏靖地方至意○崇歡等奏前奉兵

部來咨現因纂輯會典奏奉 諭旨令各直省將驛站程途山川形勢查清繪圖貼說咨部以便纂入則

例光緒十四年經前任將軍杜嘎爾因烏里雅蘇臺自失城後檔案焚毀無憑查核僅以將軍大臣等出

京所領軍價照六十里爲一臺疊覆茲於本年七月又奉部咨催取各省圖說奏明奉 旨限三箇月一

律查清造冊送部竊查烏里雅蘇臺所屬之南二十臺北九臺西七臺均係外扎薩克游牧之地與內地

情形不同夏日安臺則在河邊水草豐茂之處冬日安臺則在山河雪厚草深之處不獨一年四季向無

定所卽歷年安設亦皆隨水草遷移里數從無一定卽使丈量勉測繪夏令與冬令不合此年與彼年

互異况縱橫數千里萬山叢雜路路可通毫無險要可紀臺糧入山八月卽大雪封山實亦無從措手兼

之經費無出一時未能舉辦查當年定例凡將軍大臣應領軍價惟照六十里一臺數給蓋卽因游牧與

內地迥異或遠或近忽東忽西安臺必因水草爲轉移故圖說不能據臺站爲定準也部咨謂科布多已

詳具圖說咨覆查科布多臺站向不挪移與戈壁情形相等其丈量測繪均有一定所在烏里雅蘇臺未

能仿照一律辦理相應奏請 皇上恩施俯允仍就當年所定軍價章程 飭部纂入會典則例當日既

可以六十里定軍價今日卽可以六十里定臺程較之徒事紛繁勉强測繪仍不能據爲典要者似屬簡

便可行得 旨如所請行○乙未恭籌奏近年海內用兵率以鎗礮爲軍中利器滇省邊防緊要尤宜及

時講求原設開花礮兵二隊分紮大理府城自縣兩處爲數太少實屬不敷分布查舊存礮位尙多擬專設一營委員管帶訓練俾資調遣惟礮器添設餉項或慮不濟奴才再四思維卽於前次所籌變通營制摺內陳請將雲南一提六鎮原兼帶之練軍另委管帶之建威中營飭調來省悉數改爲開花礮隊每勇十名設開花礮一尊選委熟悉測量之員督率認真講求奴才仍督同營務處不時親加簡閱嚴定賞罰技則務求其精發則期於必中庶實有專師用收實效下部知之○丙申電 諭劉坤一李占椿等鑒著卽陸續遣撤其應領口糧准由湘軍糧臺墊發○照麟奏承辦蒙古王公官員出繼承襲爲理藩院專責開承辦司員並不遵照定章辦理惟賸混回堂以必待闕族無爭公結飾辭延宕如卓索圖盟喀拉沁東旗扎薩克懸缺已逾五年致有扎薩克公烏凌阿之族姪珠隆阿接奉假文冒昧襲職畏罪自盡及其妾烏桂下妾欲以妾冒領誥封之事是名爲待其無爭實敗其爭也夫承繼除孤子例不得出嗣他人致絕本支又長子爲本支大宗亦不得出嗣外其餘儘可以房分長次輩分尊卑遞推該院既有承辦之責豈於該族支分茫然不知誠使辦理與例相符該族何從置喙若必待公具無爭之結則該族人人生希冀之念卽人人懷觀望之心而未定之缺既可久署無主之產並可侵奪雖再待五年此結何能具到是直將佔據扎薩克之缺傾破詢扎薩克之產以巧爲把持勒索之地而已殊失 朝廷撫綏懷柔至意况理

藩院則例內開出缺人員如無親兄弟將該王公官員支分繪請奏請 欽問何以該院並不遵照及時

辦理竟至懸缺五年之久豈以閩族無結鐘經 欽問亦不足息該族之爭耶奴才所聞此其一事其類

此者竊恐尚多應請 飭下該堂官確切訪查嚴參催辦以符定章而除積弊 上諭御史熙麟奏蒙古

王公官員出繼承襲請飭理藩院遵照定例辦理等語嗣後遇有蒙古王公扎薩克等缺出著理藩院將

例應出繼承襲之人按照例章定議毋稍延宕其卓索圖盟喀拉沁東旗扎薩克一缺仍著該院查明辦

理以符定章○詔繼洵奏光緒十五年十月內准會典館咨恭頒 欽定輿圖格式限一年期滿測繪省

府廳州縣各圖一分附說送館十七年四月續發章程五條表格一紙咨明各府及直隸州廳照原頒繪

式將沿革疆域山川脈絡詳記為說無庸列表其散州各縣分圖須將地方各事列成一表依格填清總

以詳悉為主不必另撰圖說等因當經本任督臣張之洞會同臣札飭在於湖北省城設立輿圖總局委

湖北候補道錫璋蔡錫勇會同湖北營後局江漢關司道等總理其事嗣因錫璋請辦宜昌川鹽局務改

委湖北候補道凌卿雲會辦復經恭摺奏請展限兩年聲明應購儀器以及局用經費在營後局釐金項

下動支十八年二月十三日奉 硃批著照所請該衙門知道欽此欽遵轉行遵照當委分省補用知縣

鄒代鈞為總纂即用知縣劉翰藻為提調候補知縣蔡國楨為副提調飭令恪遵定限查照新舊章程分

別舉辦力求詳明確實茲據署湖北布政使按察使龍錫慶署湖北按察使鹽法武昌道安襄鄆荆道朱其煊湖北漢黃德道惲祖翼湖北候補道江瀛章恭鈞蔡錫勇凌卿雲詳稱奉檄開辦輿圖當經招攷熟習測算員紳十餘人覆選學生四十餘人教以測量繪圖之法一面向外洋購置經緯儀度時表以測天向儀記里輪鋼練尺以測地垂林儀風雨衣以測山規筆分角器平行尺以繪圖迨各種儀器陸續到齊各學生亦習練嫻熟先於首府各縣分途試測漸有把握復分派都代鈞劉翰藻蔡國楨輪流出境督測並派熟察天度員紳六人分爲三路先測六十八州縣經緯又派已成學生四十餘人分赴各州縣測量地面仍在各州縣境內每縣酌選數人授以成法相助爲理於是昕夕考核課責加嚴窺星極以定南北分月景以辨東西指南之方向無差記里之遠近自確犬牙畢出島道可稽凡歷二年而草圖成復將草圖縮爲小幅彙合總圖或脈絡倘有可疑或度分間有未合遺員覆核不敢憚煩又歷一年而成省圖一府圖十直隸州圖一州縣圖六十有八裝爲一函共八冊復考四郊之形勝稽千古之戰爭成省圖說一各府沿革悉本全史旁及近儒所纂史志或分置或更名歷代相承聯敘不絕而敘山則舉旁流之水支幹務分敘水則詳發源之山委曲務盡撮其要以爲之綱成府圖說十直隸州圖說一訂爲二冊各州縣之沿革則析自府圖說而加詳焉疆域仿方志之四至八到天度如揣齋之經直緯橫山據伯益之經水

湖道元之註鄉鎮以大領小職官因地記員依格成表六十有八訂爲二十二册合府州圖說爲三函都爲四函三十有二册而鄂省之地圖說表以成所有在事各委員紳士等或出外測量或縮圖繪正或撰說擬表胼胝於山水之際餐宿於風露之中窺寸管而目力窮搜羣書而意思竭鉤心鬪角酌古準今實屬異常辛苦薪水夫馬之費未便過簡其外洋購置各種儀器價值既鉅復將全圖暨說與表石印木刻工料均昂計自開辦至告成之日止共支經費銀三萬七千七百二十七兩三錢一分五釐三毫六絲又錢二萬三千二百六十二串九百四十四文隨時造册咨報督後局彙案核銷等情詳請具奏前來臣覆覈無異除將全圖暨說表各册函委員齎送會典館查核外理合恭摺具陳伏乞 皇上聖鑒訓示再陝西省奏報與圖告成摺內聲明該委員等盡心竭力勞瘁不辭閱兩年有餘測地數千餘里不無微勞足錄請俟會典館覆核以後酌量保獎業經奉 旨照准此次鄂省與圖告成事同一律且仿用西法測繪加詳可否准援陝西成案擇尤保獎之處出自 恩施迥格得 旨如所請行○是月日斯巴尼亞國新簡駐華使臣葛格幹抵任

九月戊戌朔 上御文華殿日斯巴尼亞國使臣葛格幹等四人覲見○己亥飭湖南巡撫陳寶箴即赴新任吳大澂俟陳寶箴到任後卽行回籍毋庸來京候簡○諭御史烏爾慶額奏各部院大臣跟隨車輛

夫役人等聚眾滋事請飭拿辦等語前因給事中端良奏裕德會章車轎夫役在買院搶米毆人甫經降旨飭辦何以近日復有如該御史所奏各情實屬不成事體嗣後各部院大臣務當嚴加約束並著步軍統領衙門順天府五城御史飭屬隨時訪查遇有大員跟役人等藉端滋事卽行拿交刑部從重懲辦○諭御史烏爾慶額奏劣員竊役勾串舞弊私放米石據實糾參一摺據稱豐益倉應放中營兵米任意遲延虛報日期前經戶部查明該倉並未開放其報部所放米石究係何人冒領倉匪劉起山勾串舞弊請飭查辦等語著稽察該倉御史會同步軍統領衙門戶部認真查核並著倉場侍郎將花戶劉敬三卽劉起山交出歸案訊明懲辦○庚子祭 歷代帝王廟遣職卹行禮○以裕德爲鑲黃旗漢軍都統○辛丑子故瓜洲鎮總兵調署漢陽鎮總兵謝濟倫照軍營立功後積勞病故例賜卹戰績交國史館立傳准於湖南原籍及安徽立功處所附祀彭玉麟祠○驗軍機大臣等有人奏廣東高州滋事請飭嚴拿匪首並將醜亂之知縣參辦一摺著譚鍾麟馬丕瑤飭屬嚴拿匪首龐顯渣尼等務獲毋任漏網並將李之藩王承彥被參各節確切查明據實參辦毋稍徇隱原摺片均著鈔給閱看將此諭令知之○張聯桂奏本年夏間來賓武宣等縣雨水較少匪徒藉阻米船爲由糾聚生事以該處地方爲柳潯兩郡交界伏莽素多當經添調防營札署柳州府知府梁廷贊潯州府知府夏敬頤會同剿捕附片陳明在案詞據各該文



武粟報匪徒糾聚日眾武宜縣匪首章老恩爲眾匪之渠魁與僞軍師楊恩見以該縣所屬紙砦村爲巢穴而陸老福黃老十譚老明何老記等相率譴起各爲頭目分據合龍恩布方學等十數村各建礮樓招納亡命來賓縣屬則有陳沅湘陳地金張振鵬余七等亦各自爲首分布夥黨於新村勒竹瓦寨高安各村並營巢穴鄰村莊咸相附從與武宜縣匪首陸老恩等互相勾串結盟插血爛賊誘誘四出擄掠連抗官軍頗有蔓延之勢。深知粵地民心浮動該處積匪未清尤易腐聚此次兩水稍少糧價稍昂匪徒遂以早荒覓眾察其情形深慮滋蔓是以先期添軍播械購米平糶以遏匪謀而定民志乃該匪等仍敢逞兇鋌險若不急圖撲滅將恐爲患日深經臣飛催先後調撥各營如期奔赴冀成該知府梁廷贊夏敬頤率同會合各營不分畛域相機剿捕以擒渠散脅爲主以清匪除巢爲要不容稍事宕延梁廷贊夏敬頤率同省防中營副將李樞光恩郡防營通判梁學智柳郡防營提督易松林總兵洪廣成潯軍防營都司蔣良瑞暨文武各員弁會於來武交界之區彼此熟商以來賓縣屬之南泗村爲中路咽喉卽於六月二十二日率軍馳往出其不意直扼匪吭西備獨村等處以固藩籬東紮六村等處以啟門戶駐軍甫定賊首陳沅湘率黨七八十人踵至見官軍旗幟甚盛亟欲返遁我軍追擊十餘里獲匪多名訊係脅從縱令誘賊一面將運到米穀平糶一面出示解散裹脅匪黨自相疑或潛伏不動二三四等日梁廷贊夏敬頤分

派勇練團捕賊首陳沅湘張振鵬深匿山巖縱火白衛生員陳煥奎廩生梁廷鑾冒險先登官軍繼進匪衆不支立將陳沅湘張振鵬並其黨黃光尾等擒獲餘遁踰某官軍乘勢將坭碑良寨等處匪巢撲毀安撫營從二十五日匪首陳地金偵知官軍回營復率黨佔據良寨重修某官軍又於二十五六連日攻擊該匪率衆抗拒我軍排鎗猛進斃賊甚多陣擒陳地金並悍匪卓老宥等十餘名再毀匪巢奪獲馬匹旗幟鎗械餘匪剿捕淨盡通判梁學智率勇進窺新村勒竹高安放塘各村將匪擊散自六月二十八日至七月初六等日先後搜捕連獲悍匪陳二等多名又與水師將弁會捕新村匪首余七及其黨余三等悉數擒獲把總陳宗器督隊官捕悍賊卓老受卓修潰亦俱就擒此剿捕來賓縣屬土匪之實在情形也梁廷鑾夏敬頤以卓老恩爲竄匪之魁必先獲此匪庶餘衆可期瓦解先期探知該匪號召夥黨於妙五山集議六月二十五日潛軍東發直搗妙玉山生員譚培蘭首先鄉導經歷馮鎮芳督帶精銳埋伏大軍進逼飛隘二十六日賊黨百十人先聚山上復率帶悍黨隨至方欲登山伏兵驟起卓匪率黨迎拒山上之賊亦湧下援救官軍力戰移時斃斃悍賊十餘名把總胡錦雲突前手擒卓匪餘黨敗竄官軍擒獲卓匪夜至廿丈村歇息詎紙紮村匪黨連夜集衆追趕圍奪因將卓匪首級飛解大營一面將匪擊退致我軍傷亡勇練多名次日都司蔣良瑞進剿紙紮村匪巢一鼓盡平著匪陸老棍兇冠擊寇副將李極光進

日追擊匪拒於平塘監生梁承玳奮勇上前被匪手刃陣亡李極光指揮勇練立將該匪擒獲七月初旬提督易松林總兵洪廣成分剿匪村僞軍師楊亞兒著匪何老記均各陣斃著匪石老霜黃老得廖世球等悉數就縛此剿捕武宣縣屬土匪之實在情形也其時兼理來賓縣知縣蔣志持督帶團練搜捕將各村匪首覃老明黃老十黃老修甘老音及悍黨覃老芬等弋獲代理武宣縣知縣武士登清除境內餘匪署賓縣知縣褚興周堵緝竄匪均陸續解營經梁廷贊夏敬頤提集各匪犯稟實據陳沅湘等均各供認平日迭次糾夥劫劫此次藉早煽惑各自爲首互相勾結拜盟插血欲圖滋事等情不諱稟經臣批飭止將各匪概行正法並驗明羣老恩首級一同梟示餘黨搜捕務盡務從悉就撫綏各匪村礮樓匪巢一律拆毀旗幟器械亦均查起地方安堵如常仍飭該文武等查捕漏逸各匪勿留餘孽並察勘民田因雨少收成恐有歉薄目前糧價漸平應接濟者仍速籌辦理除分別飭遵外臣惟此次匪事初起之際聚散靡常詎意兇焰驟張遮形滋蔓孤火四起遍地荆榛來賓武宣兩縣數百里分營巢穴擾及四鄰幸剿捕迅速首除渠魁餘黨悉數殲滅地方不致受害該文武等迎機迅速合力剿鋤不無微勞足錄花翎運使銜署柳州府事前先補用知府梁廷贊花翎二品頂戴鹽運使銜記名簡放道潯州府知府夏敬頤親督勇練講度各營勛合機宜率兇迅掃梁廷贊擬請俟補缺後以道員用夏敬頤擬請賞給勇號管帶各

防中軍中營留粵儘先補用副將壯勇巴圖魯李極光都司蔣良瑞聯合剿捕暫在機先廣西試用府經歷馮鏡芳力除兇首奮勇異常李極光擬請俟補缺後以總兵記名請 旨簡放蔣瑞良擬請免補都司以游擊留粵儘先補用馮鏡芳擬請以知縣補用仰懇 天恩俯准給獎其餘在事出力文武官紳容臣擇尤酌保陣亡員弁亦俟查明分別議卹以示鼓勵而昭激勸 上諭張聯桂奏搜捕來賓等縣土匪情形請將出力文武員弁獎勵一摺本年夏間廣西武宣縣匪首卓老恩藉端聚眾勾結來賓土匪陳沅湘等盤踞各村四出擄掠經張聯桂飭派知府梁廷贊等會合各營分路進剿先後擒獲匪首卓老恩等多名正法現在從匪解散地方安堵如常辦理尙爲迅速所有在事出力之署柳州府知府梁廷贊著俟補缺後以道員用潯州府知府夏敬頤著賞給精勇巴圖魯名號留粵補用副將李極光著俟補缺後以總兵記名請旨簡放補用都司蔣良瑞著免補都司以游擊留粵儘先補用試用府經歷馮鏡芳著以知縣補用仍飭查拿逸匪毋任漏網○癸卯諭軍機大臣等有人奏知州庸劣最著列款糾參一摺據稱直隸遵化州知州陳以培嗜好甚深公事未能親裁門丁吏役內外勾結案以期成又縱令捕頭王連生坐分賊贓各款分晰糾參請飭查辦等語直隸地方吏治廢弛已久所奏如果屬實此等劣員必當從嚴參辦著王文韶按照摺內所指各款確切查明據實具奏毋稍徇隱原摺著鈔給閱看將此諭令知之○賞給

五城及崇善堂等處樹廠煖廠米石○諭訥欽奏協領廢弛防務據實糾參一摺青州鎮黃正白旗協領兼正紅旗佐領毓增統帶馬步各隊辦理豐州防務並不申明紀律認真訓練實屬有辜職守毓增著勒令休致○諭李秉衡奏災區需賑孔殷據案請截留新漕以資散放一摺本年山東黃河秋汛期內水勢盛漲泉流匯至以致利津齊東壽張濰縣堤腰潰決連消兩河亦以洪流漲泛沿河州縣村莊多被淹沒民人均極困憊業經李秉衡籌辦急撫並堵築漫口以工代賑惟時屆秋令小民生計維艱自應寬籌賑撫加恩著照所請將該省本年新漕除扣調緩及照章撥給各處兵米外其餘應運通米石悉數截留並將隨漕輕糶等項按數扣支以濟賑需該撫卽飭所屬分別被災輕重核實散放務使實惠及民毋任吏役稍有弊混用副朝廷軫念災區至意○甲辰諭軍機大臣等有人奏司道大員執法營私請飭查辦一摺據稱湖南署岳常漕道錢康榮深結鹽道李經羲等狼狽為奸南洲設關伊始錢康榮以查勘沙洲水利為名親臨并界並遣差四出查拿承業佃戶追繳藩司執照需索勒費拖累多人且有燒斃幼孩情事士民呈控不下數十起臬幕任麟與前署臬司鹽法道李經羲授意發審局委員裕慶呂汝鈞刑迫勒供收衍完案李經羲署臬司時一聽任麟播弄提審匪徒張作賓一案得受重賄請飭確查究辦等語著陳寶箴按照原參各節確切查明據實覆奏毋稍徇隱原摺著鈔給閱看將此諭令知之○諭御史宋承序

奏在部當差正途出身人員請准改捐道府及捐免保舉一項請予限交清各等語著戶部議奏○乙巳  
上辛頤和閣請 慈福端佑康頤昭豫莊誠壽恭欽獻崇熙皇太后前請安○還宮○徵給普濟堂功  
德林等處及蘆溝橋等處粥廠暖米石○諭譚繼洵奏查明湖北各屬被水成災請旨截留漕米賑撫  
一摺據稱本年五月間鍾祥荆門江山潛江天門漢川等州縣暴雨連朝漢水陡漲以致各該州縣堤岸  
漫潰田廬多半淹沒人口間有損傷現已委員查勘以工代賑酌發錢米賑濟等語奏被災情形小民  
勞析離居殊堪憫著照所請准其截留湖北冬漕五萬石並隨漕耗米等項以作工賑之需用副朝廷  
軫念災區至意○丙午以裕祥爲雲南布政使丁體常爲甘肅按察使○諭徐桐等奏勘估 普陀峪萬  
年古地工程開單呈覽一摺朕欽奉 慈福端佑康頤昭豫莊誠壽恭欽獻崇熙皇太后諭旨所有 普  
陀峪應修各工著派慶親王奕劻兵部尚書榮祿承修欽此慶親王奕劻等務當督率工員敬謹辦理○  
諭前據御史溥松奏參雲南藩司岑毓英任用私人兩廣差缺當經諭令岑著確查具奏茲據查明岑毓  
寶被參賄賂差缺各節查無實據惟該藩司在滇多年例應迴避之姻親均未呈請又復派委各差用人  
不免瞻徇遇事每多任意部文查辦各犯不候州縣稟詳率行批釋並私釋重犯高振業又將因案查辦  
之參將馬桂升補督標中軍副將種種謬妄實屬咎無可辭雲南布政使岑毓英著卽革職○丁未命降

謂前任山東巡撫任道鎔來京候簡○諭崇欽等奏蒙百台吉控告盟長藉端索賄訊辦情形一摺據稱  
扎盟沙爾套台吉那遜布彥吉爾噶拉呈稱因伊被崇欽申飭盟長遂向該台吉索銀兩代爲關說訊  
據盟長鎮國公阿育爾色德丹占扎木楚供稱以該台吉受人主使致送銀兩有意栽賊爲辭兩造爭執  
請旨辦理等語此案盟長阿育爾色德丹占扎木楚藉端索賄台吉那遜布彥吉爾噶拉多事縱營均屬  
咎無可辭著交理藩院嚴加議處將軍崇欽於該台吉致送貨儀雖經拒絕未卽奏參辦理亦有不合著  
交部議處○戊申諭戶部奏遵旨議復直隸總督王文韶奏望都縣糧賦懇恩蠲減爲減免一摺直隸各州  
縣錢糧久經釐定惟望都縣仍沿舊制糧賦較他邑爲重該縣地瘠民貧小民遷徙流亡實堪憫卹加恩  
著照所請准免望都縣差徭及退出反地三項額徵糧賦減免五成永著爲令以蘇民困他處不得援以  
濫請○辛亥 上幸頤和園請 慈禧端佑康頤昭豫莊誠壽恭欽獻崇熙皇太后前請安○還宮○壬  
子 上御文華殿英國使臣歐格訥覲見○癸丑諭本日兩翼八旗帶領引見該前鋒護軍統領等到班  
其少嗣後除請假及另有差使各員外如有無故不到者定行懲處○吏部奏前經閩浙總督譚鍾麟等  
奏稱請以臺灣候補知府臺東直隸州知州管元晉補授臺北府知府經吏部調取引 見光緒二十年  
正月二十日奉 旨依議欽此欽遵在案今據臺灣巡撫唐景崧給咨到部查管元晉由臺東直隸州知

州升用臺北府知府係例應引 見補授回任之員前經奉 旨內渡現在無任可回應即奏明辦理查  
實任官員如遇缺已裁撤向係歸入裁缺即用班內補用臺灣本屬福建分省向歸福建統轄所有臺北  
府知府一員可否比照裁缺即用之例改發福建補用相應奏明請 旨俟 命下之日再行帶領引  
見至臺灣現任候補各官事同一律未便致令向隅自應概行撤回福建補用擬請 飭下閩浙總督將  
內渡到省各員及稟報到省日期查明咨部註冊俟咨報到省後實缺者歸入裁缺即用班內補用候補  
者仍接算前資與福建人員合爲一班各歸原班序補其教職各官俟咨報到籍再行歸入即用班內銓  
選查臺灣所屬道府以至未入流共計六十四缺其從前補缺章程本係變通辦理情形與內地不同得  
缺較內地寬易其中因地取材不能毫無遺缺若因係曾任實缺准其儘數請補不惟佔缺過多福建候  
補人員益形壅滯恐亦轉多窒礙 等悉心商酌擬請將此次撤回實任人員與福建候補人員兩缺相  
間輪用遇有缺出酌量補用撤回即用人員一人再補用福建候補人員一人仍由該省總督隨時察看  
有無才具平庸不勝內地之任不得以曾任實缺循例請補應俟奉 旨後即行知閩浙總督遵照辦理  
並請自接到此次部文之日起統限半年內將實缺候補各員到省日期咨部註冊以憑核辦得 旨如  
所議行○丙辰諭上海製造軍器局著督辦軍務王大臣督率江蘇候補道劉麒祥辦理○諭軍機大臣



等本日御史聯錦奏參宗文門副監督芬車信任家丁勒索稅課各節請飭查辦一摺著派麟書榮祿查  
明據實覆奏原摺著鈔給閱看將此諭令知之○丁巳以寶昌爲內閣學士○諭前據給事中洪良品奏  
參吉林將軍長順補用知府文體字貞發納賄各節當經諭令恩澤確查具奏茲據奏稱按照原多逐款  
查明尙無弊竇惟辦理農田夾荒一案在事各員種種乖謬殊出情理之外通判張呈泰擅改畝民原議  
以致民心不服輒復會同知府文體遠行請兵釀成巨案實屬罪無可辭留吉補用通判張呈泰著革職  
發往新疆効力贖罪候補知府文體著革職永不敘用翼長文元帶兵出隊殊欠詳慎著交部議處至補  
用知府明徵查無招搖納賄等情惟人地不宜著吏部將該員另改省分補用吉林將軍長順於農田夾  
荒一案辦理未能妥協著交部議處餘著照所議辦理另片奏蔣友秋桐燾等藉私罔利貪橫無厭等情  
山西候補知縣黃義候選州同秋桐燾均著革職永不敘用江蘇候補知縣汪士仁著驅逐回省不准再  
到吉林游幕○戊午裕祿奏江西藩司陳澧所部湘軍奏調赴甘肅剿辦回匪據該軍所部皆係步勇  
甘肅剿回利於馬隊而添用馬隊宜在秦省籌辦擬先就秦省批馬二百餘匹選募健勇攜帶前往此項  
馬匹請由奉天代爲籌辦應需馬乾等項該軍之餉係有定額並無餘款並請由秦省先墊銀數千兩以  
應要需奴才當查該藩司奏調赴甘肅剿辦回匪需馬甚殷行軍緊急亟當速爲籌備現在秦省旗綠馬

隊均係勇丁自備之馬無可勻撥惟查有前由察哈爾調到官馬挑留一千二百餘匹本為吉齊練軍步兵改練馬隊之用現因吉齊兩軍辦理遣撤毋庸再改馬隊此項馬匹經奴才奏請擬交大凌河馬驛牧放以備調撥尙未解往擬請卽由此項馬內挑選二百餘匹交該藩司帶赴官驛積資應用其所請此項馬乾該軍並無餘款亦屬實情並由奉省軍需款內撥給銀五千兩作為奉天協濟之款由該藩司領用自行報銷俾免沿途欠缺卽將擬辦情形電陳督辦軍務處代奏該藩司旋將協款銀五千兩具領先行起程留派營員挑選馬匹趕解入關茲經該軍委員等於察哈爾調到官馬內共挑用口輕壯馬二百六十四匹據報已領解進關沿途所需馬乾等項在於所領協款動用由該藩司自行報銷等情除將該藩司陳濕委員挑用馬匹毛片口齒造冊送部察核外理合附片具陳下部知之○辛酉劉坤一奏遵旨遣撤湘勇酌定各軍起程次第分別發給餉項報聞○邊寶泉奏閩省糧食不敷向賴滬米接濟請飭下兩江督撫准將閩省在滬常年辦米二十萬石仍照舊章飭道給照免稅以利商運而濟民食下戶部議奏○張之洞奏欽奉七月十九日 寄諭因蘇浙交界盜風日熾飭令江蘇撫暨浙江撫會籌協緝嚴懲之法當經欽遵電咨熟商籌辦並嚴飭各州縣防營嚴行查拿在案查緝捕固係州縣之責而大夥烏匪積年劇盜洋鎗多快艇剽忽非藉兵勇之力攻擊圍捕不能爲功太湖水師七營係記名提

督李新燕統帶兼帶標飛划七營暨浙西鹽捕水陸五營共計水陸十三營是兩省交界之緝捕盜  
自係該提督專責原以庫其兵力專其事權期其綏靖地方掃除羣匪乃該提督統軍將及三年捕務毫  
無實際近邊 旨嚴飭後仍復不知振作一味敷衍竊思蘇浙界上盜夥為匪肆行無忌 受任地方惶  
悚愧疚夙夜難安乃該提督坐擁多營一味養尊處優並不認真督捕放廢鉅餉任意廢弛 訪聞其所  
統水師鹽捕各營俱多缺額天統領既係虛伍營私營罰安能嚴明士卒安能用命以致養癰貽患擾害  
閭閻若不嚴行懲儆何以肅軍律而安民生相應請 旨將記名提督前浙江海門鎮總兵李新燕即行  
革職以示懲儆 當另行遴選廉能果敢之將領接統太湖水師其撫標飛划浙西鹽捕各營自應另選  
統帶已咨明江蘇浙江兩撫 辦理一面嚴飭水師各營官認真奮勇緝捕如再無效即當概行參撤  
上諭張之洞奏特參水師統領請旨懲處一摺記名提督李新燕統帶江蘇太湖水師及浙西鹽捕等水  
陸各營緝捕盜係其專責乃該提督並不認真緝捕各營人數亦多缺額似此虛糜鉅餉任意廢弛若  
不嚴加懲處何以肅軍律而儆效尤記名提督署浙江海門鎮總兵李新燕著即行革職以昭懲儆餘著  
照所擬辦理另片奏記名提督王金榜沾染惡習已革提督沈茂勝紀律不嚴請分別懲處各等語記名  
提督王金榜著以副將降補五品頂戴已革提督沈茂勝著撤銷五品頂戴並不准投効各軍營○壬戌

上御文華殿和國使臣克羅伯觀見○諭崧蕃奏特參缺額扣餉之游擊請旨懲辦等語雲南廣西營游擊奕矜智管帶防營兵額既不足數兼帶緝私巡船亦有缺額餉餉實屬貧乏無厭若不從嚴懲辦何以杜積習而肅營規奕矜智著卽革職查辦以示懲儆○諭崇晉奏查明大凌河牧羣官馬倒斃數目逾額請將牧長等分別懲辦一摺牧羣關繫緊要該牧長阿洪阿等乃竟漫不經心以致倒斃馬匹逾額甚多殊屬不成事體牧長阿洪阿恩福景保永昌榮貴倭伸榮奎毓貴副牧長保祿景倫福凌夫勒恆額毓昌慶林哈興額奎齡恩特合布成瑞均著先行摘去頂戴勒限六箇月責令該長等督飭依限賠補如限滿不能交齊卽著嚴行參辦至前次奏報錯誤之署副都統協領文楷及稟報不實之翼領景美倭興額亦難辭咎均著交部議處以重牧政○癸亥命宗人府府丞吳廷芬在總理各國事務衙門行走○恩銘奏哲布尊丹巴呼圖克圖報効戰馬一千二百匹已照數驗收報聞○恩澤奏光緒二十一年八月二十九日准戶部議覆奴才擬請開辦邊荒礦務一摺於光緒二十一年八月十二日具奏本日奉 旨依議欽此欽遵咨照前來奴才查原奏內稱吉林梨樹開礦在昔爲創在今爲因應准推行以廣興利實邊之益請飭速派委員查勘各該處可開之荒可開之礦併其地之方隅里數及各礦之綫路砂質與夫升科納稅一切詳細情形均繪圖貼說妥議章程奏明辦理務使革除宿弊開濬利源庶於籌餉實邊兩有裨

益各等因自應欽遵派員先行查勘惟地方遼闊墾礦處必須派員分勘方昭妥速查有奏明咨送來古之候選同知董夢蘭堪以派委查勘三姓一帶礦務補用知府陝西候補同知李芹舫以派委查勘瑯春甯古塔礦務調吉差委知府用山西候補直隸州丁憂和順縣知縣曹廷杰現經派委照料游歷俄土堪以兼派查勘甯姓瑯春務除檄飭遵照俟各該員稟復到日再行核議奏辦外理合附片先行陳明報聞○甲子諭福潤奏特參統兵大員請旨革職一摺記名提督周雲田統軍回院兵數缺額甚多著卽行革職以肅軍紀○乙丑以浙江紳士前兵部右侍郎朱智獨力捐修錢塘縣境捍江塘工賞給御書匾額一方○諭御史孫賦謙奏武場考試技勇請變通補制並馬步射核實挑取名數各摺片著兵部議奏○丙寅楊昌濬等奏回匪圍攻河滬臣昌濬李順於八月二十八日會同固原提臣雷正綰具摺奏報在案續據甘肅提臣李培榮咨稱自八月初十日進駐平戎驛站小峽口三十里該匪重壕壘卡節節阻我援師八月十六日派隊砍伐樹薪將填壘濬溝爲進攻之計行至大寨地方猝遇回匪數百彼此相持逆首韓文秀忽料大股來援我軍亦出全隊迎擊斬首三十餘級獲屍者無數賊猶死鬪時值大雨愈擊愈多副將蕭孝田游擊潘英南章足年守備翟文貴把總李長驥力戰陣亡並陣亡勇丁一百餘名旋西甯鎮總兵鄧增探悉北川回匪徐調勳知會李培榮預備戰事果於二十六日該匪大股由河干口沿小峽

蜂擁而來李培榮分派全勝軍三營伏右肅西安宇兩營伏左吉和克蒙由東山梁後抄左右翼馬隊沿河邊橫截部署既定磨涼標馬隊迎擊賊稍卻伏兵四起陣斬一百餘名餘匪潰退九月初四日西甯東關回匪糾集大股由小峽口猛撲前來李培榮傳令各營以三成隊伍攔頭迎擊以四成隊伍潛伏深溝賊勢張甚追誘過深溝伏兵齊起鏖戰三時之久兇鋒始挫復有一股山河溝口出一股由榆柴溝出計圖牽制官兵當派營務處羅長春督率左右翼及涼標馬標分道接應鄧全忠率全勝軍以鎗礮環擊賊無算餘奔潰李正魯王文安吳干城各率隊伍截擊鋒刃所交羣賊連呼阿薄阿薄者回中之頭目也全勝軍順勢斬執旗頭目一名賊遂紛紛斃水溺斃者尤多而山上接應之賊亦遂鼠竄而退值日晚卽分隊駐距營五里許之西小堡以護百姓是夜賊復來攻立派各營分三路馳援內外夾擊黎明賊聚愈多小峽河溝之賊又直撲坐營我軍奮勇回援約斃數百名賊猶麕集時近黃昏以五成隊接仗五成隊守營更番出戰至初六日早李培榮急懸重賞軍氣益壯日晡始將該匪擊退計三日二夜殲賊甚多而我軍之陣亡受傷者亦數十名西甯駐守各營則於八月初二日賊攻南川由中派從九周光耀帶隊赴援初三日黎明賊分三路撲犯周光耀中鎗陣亡並陣亡團勇十八名十四日賊復糾馬步二千餘匪從南山九華寺出逼近古城臣奎順派所部及衛守平字各營會合鄧增隊伍出擊該匪知勢不敵復添悍

匪千餘分左右衝來哨長米萬榮邢太平等督率隊伍人自爲戰殺賊八十餘名餘逆始紛竄入山此剿辦西甯回匪疊次接仗之情形也其撥河州白塔寺一路自賊踞哈臘渡口勢益猖獗營帶涼標左營王正坤深慮兵力單薄爲賊所乘於八月二十五日夜派哨長石慶棠陳明山伏紅柳溝魏家坡兩處會存諫歐陽益率帶團勇橫貫賊陣賊勢不支遂紛紛向金家堡一帶狂奔計斃賊一百餘名都司楊得友陣殞命並陣亡勇丁十餘名而哈臘渡口仍爲我軍佔踞矣時該匪盤踞金家堡依山紮寨二十九日各營會合攻剿王在耘率鎮西左營從金家堡右路進張正元率正字營從左路進王正坤率涼標左營康遠率河鎮平營及團勇爲兩路策應鏖戰良久斃賊數十名忽伏賊四起以一股牽制王在耘左路之兵以一股直撲右路張正元陣腳既動王正坤卽飭前營兩哨接應該匪抵死抗拒我軍及團勇之陣亡者十餘名受傷者十餘名追賊遁還金家堡始各收隊歸營又據固原提督雷正綰咨稱八月二十日偵探該匪由大河家結筏渡河計圖繞赴哈臘渡口圍攻官軍營壘當一面函知該營管帶魁龍一面派隊出東門以分賊勢隊甫出城而東鄉及八坊回匪由北源來撲隨飭達春率馬步迎擊斃賊八名生擒二名二十一日賊復糾集大股分路撲城當派韓廷芳礮隊擊西門外之匪沈勳照擊八坊出巢之匪鳳林營擊國家城之匪徐錫祺親兵力扼北源來路達春以隊居中策應而以陳方英所部精選後營迎擊雷正

籍親兵及團勇繼進四面兜擊賊頗多此剿辦河州回匪幾次接仗之情形也臣昌濬查河州一路扼  
臣董福祥現已抵狄克日督師進剿惟李培榮進援西甯一軍深入尙嫌單薄而大通一縣孤懸賊中尤  
爲可慮前調牛師韓一軍現奉 旨改駐安定擬俟商董福祥籌撥數營迅速赴援甘涼兩郡毗連西甯  
時有賊騎出沒現調副將劉福添募馬步兩旗回赴涼州永昌一帶相機堵剿所遺河橋驛要隘調武毅  
前營周文翔駐紮惟兵力合則數多分則數少有進剿之師無策應之師誠不免顧此失彼之慮疊接新  
疆提臣董福祥來函定計應遵 旨先解河圍俟河州得手再援西甯於行軍次第深得要領應遵照辦  
理其疊次接仗陣亡之副將蕭孝田游擊潘英南童足年守備翟文貴把總李長曠從九周光耀等六員  
均屬臨陣捐軀應懇 天恩飭部議卹以慰忠魂得 旨蕭孝田等均著交部議卹○楊昌濬奏據甘肅  
提督臣張永清西甯鎮總兵鄧增護理涼州鎮總兵章鳳先先後咨呈西甯鎮屬巴援營於本年閏五月  
十五日被米拉溝大股逆回竄擾該營守備韓世傑率同弁兵民團極力堵擊陣亡兵民頗多因衆  
寡不敵營堡失陷堡存倉糧被賊焚搶該守備同署把總閔麟生均受重傷又涼州鎮屬岔口營於六月  
十四日被米拉溝馬營各逆回竄至該處該署都司傅揚芝督同弁兵堵擊因賊衆兵單兼之堡城頽燬  
抵敵不住堡遂失守又西甯鎮屬大通營因本地匪回變亂勾引西甯白塔逆回共約數千圍攻營堡該



營游擊王有德督率弁兵登埤堵擊奮力迎戰誓把總趙俊經制年啟盛李生正署額外張德榮均經巷  
戰陣亡游擊王有德署千總王鎮把總劉儉署額外雷進元俱身受重傷兵民傷亡亦多倭亦失陷查以  
上游擊王有德署都司傅揚芝守備韓世傑三員均以大股賊至率兵堵擊雖因眾寡不敵情稍可原惟  
既失城汛究難辭咎又署鎮羌營游擊李鳴鸞年紀衰邁營務廢弛七月十五六等日賊擾至該營附近  
該游擊不卽率隊出擊殊屬畏葸無能未便姑容相應請 旨俯准將大通營游擊王有德署岔口營都  
司督標右營游擊補用總兵李鳴鸞一併革職王有德傅揚芝韓世傑仍飭令隨營効力以觀後效李鳴  
鸞卽勒令回籍俾肅軍紀而儆效尤所遺大通營游擊已授營守備督標右營守備各員缺陝甘現有應  
補人員容 旨另簡請補得 旨如所請行○楊昌溶奏已革河州鎮總兵湯彥和前率馬步八營旗於本  
年六月十五日夜在雙城集地方打仗潰退經 旨委令陳宗蕃前往經理將各營旗裁併整頓附片具奏  
在案嗣據陳宗蕃稟覆驗步隊實存勇數歸併四營遵照湘軍營制分爲前左右後以潘長清長字營  
改爲老湘左營魁龍武毅右營改爲老湘右營劉忠死練軍中營改爲老湘後營仍歸各原將官管帶  
金恆林所帶練軍馬隊勇額尙足改爲老湘恆字營均先後開拔進省 旨查雙城一役雖由湯彥和失律  
貽誤而諸將之不得力咎亦難辭除金恆林馬隊無甚損失並保護步隊過河李良發已經病故易慶安

受傷甚重應請毋庸置議外其餘如潘長清朱昇遠劉忠死均請一併革職用示懲儆其現經歸併之老湘右後兩營劉忠死一員仍應撤換已改委總兵李大秋游擊盧錫昌接帶至潘長清朱昇遠金恆林三員暫令照常管帶以觀後效易慶安暫令帶所部二百人駐紮金城關此外河狄各將領中倘有悻怯營私及不得力之員臣慮耳目未能周察已咨商提臣董福祥於鄂臨前敵隨時密查據實會銜參奏湯彥和奉 旨革職留營自効臣飭將鎮南中營仍歸該革員管帶切實整頓留於狄道隨同董福祥軍前効力藉以稍贖前愆下部知之○是月荷蘭國新簡駐華使臣克羅伯抵任○英吉利國使臣歐格納回國參贊寶克樂署理

臣朱壽朋敬編

臣潘鴻鼎恭校

冬十月戊辰朔時享 太廟 上親詣行禮○上詣 慈福端佑康頤昭豫莊誠壽恭欽獻崇熙皇太后  
前請安○譚鍾麟奏廣東盜風素熾搶劫之案無時不有或百十人持械劫掠擄人勒贖甚且糾眾結盟  
鑿旗謀逆兵至則散兵去復起如是者屢矣其著明土匪如惠州屬之歸善縣則有唐觀士李亞檢華時  
略亞譚涂觀妹等永安縣則有黃狂城劉金招陳雲初陳名輝等嘉應州屬之長樂縣則有鄒南斗四周  
二鄒九甘亞唐等高州屬之吳川縣則有龐撥渣尼龐殺人得龐培沅等連平州屬則有謝發隆周亞棟  
等韶州屬則有梁堂等類皆黨與數百嘯聚成羣焚掠鄉村無惡不作而兇暴狡誦以龐撥渣尼為最陸  
捕則入海水捕則入山平日好行小惠以所劫餘賊散給貧民故所至咸相容隱莫能得其蹤跡自上年  
八月本年二月兩次聚眾滋事經官軍縱擊各鳥獸散前督臣李瀚章奏報有案嗣奉 諭旨飭拿迄未  
心獲蓋聚則為盜散則為民此余彼竄固非一州縣之力所能窮究也今夏四五月天氣略旱米價漸昂  
匪督永安長樂交界處匪徒唐觀士致狂城鄒南斗四等煽惑愚民聚眾千餘人以劫富濟貧為名四出

搶掠初至龍塘村殺周石波等五命擄周其康家屬十一人繼竄洋高村圍攻彭姓勒交軍火財物嘗提督劉邦盛率兵勇趕至奮擊而彭姓鄉團亦竭力相助斃悍賊多名生擒甘亞唐等六名下洋村鄉姓義勇踵至救出周其康家十一人匪潰復聚由新村烏潭一帶沿途焚掠攻踞師營之烟墩墟時有二多祝團紳蔡繼會等邀近村郭巫陳三姓練勇會同官兵縱火猛攻斃僞軍師陳雲初等八名生擒悍賊三十六名旋獲匪首李亞檢一名臨陣格斃者無算餘匪潰散劉邦盛與惠州府縣購緝設伏拿獲唐觀士華甯略亞燕等匪目多名稟經批飭就地正法而黃狂城鄒南斗四等復嘯聚二三千人分股肆擾北抗塘龍村墟石保梅林墟各處皆賊時提臣張春發由京回任臣囑其就近督剿並飭署潮州鎮土孝祺提督吳次漢副將劉邦盛守備方桂東分道疾馳四面圍剿必盡獲首匪而後已提臣張春發身先士卒到處搜捕鄒南斗四等數名二十日張春發報獲黃狂城等多名於是惠州嘉所屬逆匪均卽正法人心一快龐賴渣尼一犯自四月後紳鎮道府購緝密拿杳無消息七月十九日潛回英川大洋山正佃永安長樂紛擾之際遂糾黨樹旗謀逆自稱洪順大王刊刻僞印布散謠言號稱萬千人官兵往捕鎗斃外委吳顯勳及勇丁十二人勢甚猖獗臣電飭署高州鎮潘瀛署高州府蕭炳堃率兵勇馳剿並由省派副將莫喜盛帶勇一營往助嚴諭該鎮等此次不獲匪首不准息兵一面派火輪兩艘赴高州洋面駐紮巡絕其

入海之路追兵勇圍攻大洋山匪勢不支紛紛潰逃僅搜獲偽印大旗令箭軍火等物八月二十日該鎮  
道等電稟化州林慶墟盤獲龐癩渣尼解府勘訊確係正身以該逆罪大惡極飭卽凌遲處死俾  
首犯事地方以昭炯戒其兇屬培漢經莫喜喜拿獲訊係同惡亦卽正法連平州謝發隆一犯聚眾拒捕  
殺官兵李超雲梁林樞二名後經龍川營縣拿獲謝發隆并其黨周亞棟正法餘乘永長土匪竄起之時  
亦糾眾數百人將國報復經提督張春發派副將楊得勝帶勇擊散該匪狂城都南斗四周二廿亞唐  
等均已研戮自知無能爲也梁堂一犯在樂昌縣北鄉焚掠經營縣會攻業已呈散梁堂潛匿英德鄉間  
嚴飭營南韶鎮朱國安拿辦不釋不止旋於八月二十五日據報在長沙口地方將梁堂緝獲卽飭正  
法此外如電白縣已革武舉劉樹基助匪擾民及各營縣拿獲匪目解經道府覆審稟請就地正法者自  
五月至今已二百數十名抵任未久日以殺人爲事此心惴惴時虞戮及無辜而詳聞供詞率係甘心爲  
匪劫殺皆數次十餘次不等求其生而不得惟竊歎而已現今統兵各員會同地方官將各鄉夷成族長  
出其切結此後該族再有爲匪者惟族長是問並出示曉諭渠魁已殲裔從罔治兵勇差役不得擾及良  
善伏念夏秋之交土匪四起到處民心驚惶各州縣風鶴頻聞請兵者紛至沓來上告以先自鎮攝勿涉  
張皇兵且旋至幸仗 天威震疊二三月間羣兇授首實賴各營將士勦力同心風馳電掃故得剋期肅

事地方又安該員弁等不無微勞足錄查廣東陸路提督張春發勇於任事窮搜山谷日夜奔馳百數十里備極辛勞籲懇 天恩優加獎賞著潮州鎮總兵記名提督北河鎮總兵王孝祺記名提督吳次漢均請 旨交部從優議敘著高州鎮總兵優勇巴圖魯記名提督潘瀛請 賞換清字勇號總兵銜惠州協副將劉邦盛儘先補用副將莫晉嵩均請以總兵記名過缺請 旨簡放劉邦盛並免離任補用都司水師儘先守備方桂東請以都司儘先補用並 賞加游擊銜著高州府事候補知府蕭炳堃請免補知府以道員用留原省過缺即補三品銜補用知府廣東化州知州李光高請在任以知府過缺即補副知候選知縣蔡繼曾請以直隸州知州不論雙單月過缺即選其餘出力文武員弁紳董容 查明擇尤保獎或給與外獎以示鼓勵 上諭譚鍾麟奏剿辦土匪首要一律駢誅請將出力員紳優獎一摺廣東盜風素熾歸善永安長樂吳川建屏韶州等屬州縣土匪嘯聚成羣迭經降有飭拿迄未弋獲本年六七月間匪徒唐觀士等藉端聚眾四出擾掠經署提督劉邦盛督率兵勇會同鄉團擒斬首要多名餘匪分路肆擾復經譚鍾麟飭令提督張春發等分道馳剿先後斬獲多名惟兇暴最甚之龐顯滾尾一犯潛回英川大洋山糾黨抗拒官兵外委莫顯勳被戕勢甚猖獗譚鍾麟後嚴飭署高州鎮潘瀛等督率兵勇圍攻大洋山匪黨紛紛潰散八月二十四日在化州地方將龐顯滾尾拿獲訊明正法各匪首亦經官軍分道剿

拿悉數駢戮地方安謐如常在事出力員弁均屬著有微勞廣東陸路提督張春發署潮州鎮總兵記名提督北海鎮總兵王孝祺記名提督吳次漢均著交部從優議敘署高州鎮總兵記名提督潘瀛著賞換賜副薩巴圖魯名號惠州協副將劉邦盛儘先補用副將莫晉高均著以總兵記名遇缺請旨簡放劉邦盛著免離任補用都司水師儘先守備方桂東著以都司儘先補用併賞加游擊銜署高州府知府候補知府蕭炳堃著免補知府以道員留原省遇缺卽補補用知縣廣東化州知州李光高著在任以知府選缺卽補團練候選知縣蔡維曾著以直隸州知州不論雙單月遇缺卽選陣亡外委莫顯勳著交部從優議卹○己巳廣東巡撫馬丕瑤卒賜卹如例○敬祐奏傳聞內務府廣儲司銀庫經戶部籌撥協濟每年進款百餘萬兩仍不敷用奴才查訪銀庫庫帳王伯平卽慶成祁芝山卽文瑞句結庫官始而慶寬等繼而恆起等舞弊招搖無惡不作向章各省關報解內務府餉銀除照例交費及平餘外別無使費現在慶成多索交費否則稽延不收又照例應將餉銀收入銀庫再按各項應領者分期開放乃餉鞘接至庫門外壘階上並不入庫不過一二刻卽將銀鞘擡至錢鋪聲音歸還外間借欠銀庫久成虛設而庫帳與庫官句結在外私放漁利且在飯館酒肆開放領銀致有靴庫之名靴庫者庫官靴筒內帶有銀票也及至收回印領之後堂官並置不問是以庫帳等驕奢淫佚更不堪言其住宅百餘間與堂官無異其平夙於

解餉未到以前均向票號借過有 內廷要需則聲言向號中浮挪歸結時任意盤剝似此情形直以朝廷帑項爲伊等囊中之物致欸項在不敷應用以由舞弊已久積習太深若不從嚴懲辦何以禁貪汚而重國帑抑更有駭人聽聞者如儲司銀庫司吏劉席卿劉燦前曾冒充崇文門收稅官役勒索私稅被拿有案自充銀庫貼寫後曾經盜用 凌差車價並假造官文欲冒領庫項千餘兩當經堂郎中查明未容領出有案可稽又聞有私關餉鞘用銀之事該庫官等竟隱匿不究復聽信庫帳慶成之言派充掌案書吏現又風聞該吏捏構工部製造庫來文做金活復向串攀僥倖書吏馬六等稱鑾儀衛有金活請領 內廷赤金數千兩庫官並不查來文真假聽其辦印片向 大宮內數次領出赤金二百餘兩之多實屬膽大妄爲不法已極現當庫欸萬分支絀之時戶部竭力設法添撥尙虞難繼若復任此等賒劣棍徒充當書吏與庫帳等狼狽爲奸任意侵冒則以後庫帑之事更不堪言相應請 旨簡派公正大臣逐件查明勿稍徇隱將伊等斥革嚴行治罪並請 飭下內務府大臣於各省解銀派員全行收庫令各司處所赴庫請領按期開放不准庫官攜銀在外私放庶銀庫積弊可期逐漸清除而內帑日形充裕矣 上諭御史敬祐奏內務府廣儲司庫官向結舞弊任意侵冒請飭查辦等語內廷帑項關係要需意容該庫官等向串書吏庫帳等狼狽爲奸浮挪侵蝕著派麟洪許應騫按照所參各節認真查辦據實具



奏○楊昌濬奏本年回匪變亂蔓延化河州狄道西寧大通碾伯巴燕戎格海城平遠等州縣凡賊蹤所到樵殺之餘繼以焚燒廬舍耕糧全成灰燼難民顛沛流離約計不下二三十萬雖目前已辦急賑而轉瞬嚴冬無衣無食若待事平招集幾何不殫死道途一與司道籌商除省城附近及各州縣逃來難民先已籌辦賑撫外其餘蹂躪各處擬就兵力所到節節安撫然故墟蕩盡儲積一空棲身闕口均所急需以及耕作器具牛力籽種在在皆須籌給且地廣用款浩繁甘省邊苦著名在承平時尙難就地籌款況現今徧地瘡痍從何辦起是此次賑撫惟全賴公家雖當此庫藏支絀軍餉方殷而民命有關不容不並籌兼顧前於閏五月間奏請籌撥軍餉一百三十萬兩案內曾有賑濟被難漢民一語彼時賊氛尙不至如此之甚難民尙不至如此之多現在情形非專請巨款實不濟事悉心酌度擬先在庫存新草變價項下提銀十六萬兩驛站扣留項下提銀四萬兩共銀二十萬兩在前飭各屬變價未盡糧內提糧二十萬石以爲各難民搭蓋窩房冬春賑撫口食並購買牛隻農具預備籽種之需誠知事靡有定款仍不敷第初辦約計未敢過於擴充容隨時察核續行籌請此外欲求挹注惟有廣開捐輸而順天直隸山東等省方辦賑捐亦不敢接踵相請致多牽掣擬仿南省勸辦善捐之法刊刻捐簿函致各省客星勸募隨願助資如有樂善好施之士捐及千兩者請 旨建坊以昭激勸倘各省垂念患難集有成數尙可爲

後繼之助其甘省新海防捐款二十二次批解後現在收數有限籌餉新捐更屬寥寥應請截至本年  
底得有若干全數留助賑撫亦尚不無小補得 旨如所請行○庚午 上諭 慈順端佑康頤昭豫莊

誠壽恭欽獻崇熙皇太后前請安○上御紫光閣閱射○諭軍機大臣等有人奏知縣加賦濫刑請飭查  
辦一摺據稱前任湖南新化縣知縣周至德因招募防堵鄰匪信任劣紳劉品峻黃宗確違例加賦新任  
知縣沈齊獻飾詞朦稟事平後不復裁撤又復設立班館拷掠良民並有押斃事主縱容家丁情事所奏  
如果屬實必應從嚴懲辦著陳寶箴按照所參各節確查具奏將此諭令知之○辛未 上御御箭亭閱  
技藝○命楊昌濬開缺回籍以陶模署陝甘總督似應祺署甘肅新疆巡撫○以成允署廣東巡撫○癸  
酉諭給事中王會英奏查明花戶舞弊分肥請交部審辦一摺據稱豐益倉花戶劉敬三本年六月以前  
開放中營兵米有朦混掩飾情弊顯係盜竄侵吞確有可據著交刑部嚴行審訊澈底根究務期水落石  
出以成信誼至所稱停收該倉新漕等語著倉場侍郎查明辦理○乙亥予故安徽桐城縣孝女光氏旌  
表○丁丑 慈禱端佑康頤昭豫莊誠壽恭欽獻崇熙皇太后萬壽聖節 上諭 慈寧宮行禮○己卯  
諭軍機大臣等有人奏知縣縱盜殃民請飭查辦一摺據稱山東掖縣知縣楊得成劣跡多端前經李秉  
衡委查都司李承卿參案朦混稟覆李承卿實係已革武生李承慶冒充掖縣所屬村莊劫案多處揭得

成概置不理該縣典史亦有劣跡時向楊得成關說賄通賄賂請飭查辦等語著李秉衡按照所參各節  
確切查明據實具奏另片奏山東臨邑縣撥縣徵收錢漕改折銀錢浮收甚多暨掖縣有苛派差徭各節  
著李秉衡一併查奏原摺片著鈔給閱看將此諭令知之○庚辰日人歸我遼東等地○壬午子故嘗與  
州麻哈州知州何鏡於四川璧山縣原籍建祠○甲申諭朕敬奉 皇太后宮闈侍養夙夜無違仰蒙  
慈訓股拳大而軍國機宜小而起居服御凡所以體恤朕躬者無微不至此天下臣民所共知者也乃有  
不學無術之徒妄事揣摩輒於召對之時語氣抑揚罔知輕重卽如侍郎汪鳴鑾長麟上年屢次召對信  
口妄言跡近離間當時本欲卽行治罪因值軍務方棘深恐有損 聖懷是以隱忍未發今特明白曉諭  
使諸臣知所警惕吏部右侍郎汪鳴鑾戶部右侍郎長麟均著革職永不敘用此猶從輕辦理嗣後內外  
大小臣工倘敢有以巧言嘗試者朕必加以重罪爾諸臣當知忠孝一原精白乃心弼成孝治朕有厚望  
焉○胡景桂奏查總河衙署本在山東濟寧州城內故至今仍名河東河道總督其在河南省城者乃總  
河行館以爲每歲巡防暫居之所自咸豐五年銅瓦廂決口黃河改由山東入海而河道總督僅轄上游  
七關三百餘里下游經直隸大名府百餘里經山東七百餘里河督遂不聞不問從前東省海防尙緩撫  
臣猶可親赴河干督工近來海防喫重兼之地方吏治鹽務漕運在在皆須撫臣督辦何暇分身治河哉

河南七廳自河督許振祿任事以來創設河防局鑲堵大工仿前人成法以甄石代秫稱明效蓋已大著若令移駐山東督工不特徧經就熟名實相符而東省百萬生靈亦不至久罹昏墊之災或以爲山東河工改歸河督經理須添設管河專官必增經費不知山東河工每年上下游專派候補道二人總辦其事又調委地方正佐員弁數十人分任其事又設河防營槍險弁兵若干人凡若此豈非管河專員哉河營兵勇豈能枵腹從公哉河南用本省實在道員山東則於實在道員外又增出候補道二人河南每年派委河工人員皆有定數薪水亦有定則山東則隨意可以添派甚有委員子弟並未到工冒功請獎者不一而足由此言之經費萬不能減省而流弊反增數倍且每年決口請帑動輒百餘萬數十萬不等耗公家之帑藏貽民間之巨患良可嘆也誠將黃河下游統歸河督一手經理管河道員卽照河南用本省實在道員兼管湖汛各官卽照直隸用湖河之實在內同知州判縣丞等官兼管是官不加增而費可核減帑不虛糜而工可核實責成既專名實相稱不獨河防民生大有裨益而山東更治海防該撫亦可專意經營矣河道既有變遷設官似不宜仍舊如蒙 飭下廷 臣部 臣會議核定則河督得施其長而河患亦可漸消矣又奏近年河工罰輕費重請弊叢生平時委員購料築井空虛以少報多甚或不購物料捏構隨購隨用與武弁串通舞弊空耗鉅帑徒飽私囊一旦伏汛屆期堤防潰決重者革職留任輕者摘頂留

工而已而革職追賠加號河干示衆者此例久不舉也迨交冬令潮流勢弱鋪張合龍大工不但開復橋  
頭革留之慮慮分而異常保舉兩三層花樣均可越級而遞上賞矣更有委員子姪朦保邀 恩者是前  
僅虛名賞皆實職無惑乎河屢決而官日增也似宜申明例嚴定罰章委員使融者革職查追堤防潰  
決者革職賠修枷號示衆卽或留工亦必先告撤任庶人知儆惕河防不開捷徑河員亦不敢舞弊矣  
上諭御史胡景桂奏山東河工請責成河道總督經理並近年河工請輕徵重請申明例各摺片著該  
部議奏○乙酉 上諭 慈福端佑康頤昭豫莊誠壽恭欽獻崇熙皇太后前請安○諭御史烏爾慶額  
奏各倉儲斃土米請飭核議變通一摺著倉場侍郎妥議具奏○丙戌雪○調王文錦爲吏部右侍郎兼  
署刑部右侍郎轉徐樹銘爲兵部左侍郎以吳廷芬爲兵部右侍郎○調剛毅爲戶部右侍郎轉溥善爲  
禮部左侍郎以墊岫爲禮部右侍郎○丁亥奕訢等奏 等前經面奉 諭旨以鐵路工程亟宜舉辦當  
飭廣西臬司胡燏棻先將津蘆一帶情形詳細查勘去後效據該臬司稟稱已督同洋員切實勘估自大  
津起循北運河西岸進邇而北繞越南苑以達於蘆溝橋共計一百一十六里 出蘆溝均無關礙此路  
造成商務必形暢旺自應修築雙軌現因經費難籌姑擬先造單路鐵軌而購地填土修橋築堤開通瀕  
洞水溝蓋造房屋車軌均須預爲雙軌地步加以鋼鐵木石之工料委員司事學生工匠夫役之辦或統

共需銀二百四十餘萬兩倘於年內購定地基備齊物料春機趕緊開辦約計一年可以完工俟將來運脚充裕擬再添置雙軌卽由養路司工隨時修造所加經費祇須原估四分之一等語並繪呈圖說前來臣等公同核議竊以鐵路一事關係大局提綱挈領自以蘆漢幹路爲樞紐惟自蘆溝橋至漢口約計三千六百餘里地段綿長工費浩大一時未易告成必須南北兩路分頭舉辦而一切材料器具無不購自外洋由津至蘆溝轉運艱阻故擬先將此路造成以固始基而省運費且冀利源既落各省富紳商聞風興起集股或當較易一面遴選委員查勘蘆漢幹路逐漸經營愈推愈廣四五年間可期一律告竣開辦伊始端緒紛紜應請 特簡大員專司其事查廣西臬司胡燏棻明幹有爲結實可靠可否仰懇 天恩卽派胡燏棻督辦鐵路工程准其專摺奏事以崇事宜至應用經費擬由戶部及北洋各任其半請飭北洋大臣王文韶先籌借銀一百萬兩交胡燏棻收領以便動工餘由戶部陸續籌撥一俟股分招齊先行歸還胡燏棻原呈圖說合併呈 覽 上諭督辦軍務王大臣奏請撥派大員督辦鐵路一摺鐵路爲通商惠工要務朝廷定議必欲舉行前諭王大臣等令將近畿一帶先籌辦法當經該王大臣選派廣西臬司胡燏棻前往查勘茲據奏稱自天津起循運河西岸迤邐而北繞越兩苑以達蘆溝橋計程二百十六里估需工料銀二百四十餘萬兩並繪圖貼說請派員督辦等語開創之端難於圖始任用之際要

不猜疑胡燏棻既經條奏於先又復加勸於後津蘆一路著卽派該臬司督率興辦以專責成所需經費著戶部及北洋大臣合力籌撥至由蘆溝橋南抵漢口鐵路一條道路較長經費亦鉅各省富商如有能集資千萬兩以上者著准其設立公司實力興築事歸商辦一切贏絀官不與聞如有成效可觀必當加以獎勵將此宣諭中外知之○戊子諭軍機大臣等有人奏江西新淦縣知縣沈壽龍貪暴妄爲愚借商款勒索甚多批解不實復有因案索賄等情大庾縣知縣劉光煥貪酷異常盜劫重案不報不緝反將尋主責押誣贓此外因案索賄不一而足蓮花屬同知崔祺昏縱貪虐信任官親家丁遇事訛詐致有逼斃人命等情又前代理鄱陽縣知縣鄒榜詔因交卸在卽私改案卷得贓二三萬金等語著德壽按照所參各節確切查明據實具奏毋稍徇隱原片著鈔給閱看將此諭令知之○己丑禮部右侍郎李文田卒予卹如例○庚寅諭軍機大臣等現在甘肅回匪猖獗軍事方殷所有軍營文報關繫戎機遞送不容遲緩著崇歡志銳魁福額勒春應銘吉陞阿體察蒙古臺站情形設法整頓並嚴飭各臺遇有軍營文報等件務當迅速接遞毋得稍有貽誤將此由四百里各諭令知之○張汝梅奏臣前接陝甘督臣楊昌濬來電以西甯之賊擾及甘涼省城西路戒嚴後路平涼固原安定有陝軍吳雪六營分紮足資鎮守惟鳳翔隴州一路必須添營駐紮宜卽添募等因臣查鳳隴一帶緊接鞏秦實爲兩省目前要地自宜先事籌防陝

省各軍除已赴甘援剿馬步二十一營外現在存營無多不敷分布臣與司道會商必須添募數營方足以資防範本擬就地招募以期迅速因得力將領寶離其選當經商允河南撫臣劉樹堂選令管帶豫軍提督李永芳就現帶一營再添募四營足成五營如鎮安軍隨募隨練尅日成軍該提督性成忠勇久歷戎行統帶必能得力約計十月間可以來陝到後趕緊訓練擇要駐紮以保甘軍後路而固陝省藩籬所需糧餉應如何設法籌措另行奏明辦理應用軍火現亦極力籌備並電商直隸督臣王文韶允借後膛鎗一千桿隨配子粒已由直委員解交李永芳在豫接收下部知之○辛卯徵給通州王恕國等處粥廠米石○諭軍機大臣等前因有人奏參新授山東藩司張國正在福建臬司任內劣跡多端當經諭令邊寶泉確查具奏茲據查明覆奏張國正被參各款不為無因惟據稱該藩司官闕日久頗有吏才前任福州府時辦理巡防從容鎮定省垣賴以安堵等語藩司有理財用人之責張國正到任已經數月究竟能否勝任著李秉衡迅速據實覆奏毋稍徇隱○諭前因御史聯錦奏崇文門副監督芬車信任家丁勒索稅課各節當經諭令麟祥榮祿確查具奏茲據奏稱芬車所派驗貨家丁雖無賄求勒索情弊惟均係不諳公事之人致招物議該副監督於派委家丁未能加意詳慎請交部察議等語芬車著改為交部議處並撤去崇文門副監督○楊昌濬等奏官軍攻剿回匪河州解圍得旨楊昌濬福祥先後電奏河



州解圍平威頓振寤奏欣慰接到詳細奏報再降諭旨河州本係賊巢忽起忽伏最為狡誦宜慎重進取勿墮其計省路想已疏通西甯尚在圍困著董福祥分兵速援甘涼一路楊昌濬亦應派兵兼顧○諭依克唐阿奏自揣才力不逮懇恩開缺另補賢能一摺朝廷以依克唐阿平日辦事尚屬奮往是以特簡為盛京將軍正當激發天良竭誠圖報茲因摺內臆陳籌防備邊飭吏安民各節該將軍既已明知其難尤當引為己任乃輒以才力不逮等詞奏請開缺殊屬不知大體依克唐阿著傳旨申飭○壬辰 上諭  
慈禧端佑康頤昭豫莊誠壽恭欽獻崇熙皇太后前請安○以李邦楨為直隸按察使張曾灃為福建按察使○廖壽豐奏浙省候補試用人員竊滯已甚請停止分發二年下吏部議奏○諭給事中文郁奏蒙古王公年班來京差竣回旗向無期限請飭明定章程一摺據補昭烏達盟幫辦盟長翁牛特扎薩克郡王贊巴勒諾爾布本年正月差竣並未回旗任意在京逗遛罔顧體制不知檢束直至九月初間始潛行出都等語著理藩院查明具奏至蒙古王公差竣回旗應否明定期限並著理藩院議奏另片奏蒙古涉訟事件如兩造均係蒙古請仍歸該盟自行提訊等語著理藩院一併議奏○王文韶奏懇龍江漠河金礦年來出金漸多有裨邊防餉需督辦委員候選道袁大化因病稟請交卸必須遴委明幹耐勞兼為眾股商信服之員方足以昭慎重而免叢脞查湖南候補知府周冕熟諳礦務情形結實可靠堪以派委

接辦該處觀音山分廠係上年續行設立據袁大化稟報山在黑龍江邊對岸地近俄界祇有金匪竊挖  
破眼並無禽獸牧場亦無參山珠河奉旨封禁之區與布特哈興安城官弁兵眾游牧生計毫無礙  
當經前督臣李鴻章咨准總理衙門核覆准其選派委員酌招礦丁於該處老溝先行試辦以保漠廠之  
利源並免各處土匪偷挖滋生事端並令妥議章程具奏等因轉飭遵照在案年餘以來該處出金甚旺  
成效昭然一切應辦事宜因係分廠悉照漠河定章辦理似無須另議章程惟查漠廠餘利按十成分派  
以三成提充軍餉當此庫款奇絀應令設法多提舊餉需臣飭周冕勳諭眾商照現請開辦三姓金礦  
章程將礦利分作十二成內以五成充餉該商等具有天良當無不竭誠以伸報効下戶部知之○癸巳  
以惲彥彬爲戶部右侍郎○轉徐曾澧爲禮部右侍郎○乙未戶部奏查內務府經費前於同治四年十  
月間奉 上諭內務府奏內廷需用銀兩缺乏通盤籌畫妥議章程一摺著戶部會同內務府妥議具奏  
等因欽此當經臣部會同內務府奏明自同治五年起每年指撥各省關銀三十萬兩徑解內務府應用  
嗣據內務府因用項較繁奏請再行添撥復經臣部核議自同治七年起每年添撥銀三十萬兩統計每  
年應撥銀六十萬兩均於年前奏明撥等因奏准遵辦在案現在時屆冬令所有光緒二十二年分內  
務府應需經費自應照案指撥以資供應惟臣部前代內務府墊放光緒十九年分 御茶膳房等處經

費共銀二十一萬二千二百九十餘兩均應照數扣抵由各省關於應解二十二年分內務府經費款內照臣部指定數目改解部庫歸墊以清款目其餘銀兩仍徑解內務府應用相應將擬撥各款分晰繕具清單呈 御覽並請 旨飭下各該督撫將軍藩司運司監督等務於來年開印後分批勻解均限於六月前解到一半十二月初間掃數解清不准稍有帶欠 上諭戶部奏光緒二十二年內務府經費撥撥鹽課茶稅等款共銀六十萬兩請飭依限完解等語除各省關應還部庫墊放銀二十一萬二千二百九十餘兩應由指撥各款內勻解部庫外下餘銀三十八萬七千七百餘兩著將軍督撫監督等務於來年開印後陸續徑解內務府交納仍限六月底前解到一半十二月初間掃數解清不准稍有帶欠

十一月丁酉朔李秉衡奏東綱疲累已深商民交困仍懇 恩准寬免鹽斤加價制錢二文並免另行籌款以示體恤下戶部議奏○王文韶奏前准海軍衙門王大臣咨會欽奉 諭旨著照捧日恆春船式造輪船一隻隨洋划四隻以備倚虹堂至萬壽寺乘用欽此當經前北洋大臣李鴻章飭令天津機器局如式製造並由大沽船廠購製洋舢板四隻於上年五月派候補道傅雲龍率領員弁匠役解京開具輪船等馬力丈尺及配用料件器物細數冊咨送海軍衙門驗收在案茲據該局詳稱承造前項翔鳳鋼板小輪船一隻共核工料價庫平銀八千九百十兩九釐九毫八絲四忽運送輪船並洋舢板脚副費共

核庫平銀九百十七兩九錢通共九千八百二十七兩九錢九毫八絲四忽又購洋船板四隻工料價庫平銀九百三十六兩九錢四分八釐一毫查前造恆春等船工料較實經印復明歸入奏銷案內造報此次擬在該局常年經費內如數動支歸入光緒二十年案報銷下所司知之○己亥刑部呈進本年 朝審句到本新專失律犯官葉志超歸照現時希夷汝仕林等均蒙 恩免句○陳其璋奏首肯現任官員調署別缺既多情弊亦礙考成前以實缺人員不令到任曾經御史鄭思慎奏陳奉 旨通行在案之臣聞各省視為故常相沿無改往往以缺分之優劣為屬吏之遷移更調頓煩幾若傳舍其中實心辦事者未始無人而到任或半年或一年遽行交卸亦何能展其所長臣考循吏之盛衰如兩漢如汲黯黃霸卓茂等大率久於其位與民相習故能政績卓然若任意更調無論地方之利弊無由周知且存五日京兆之心難保無弊營私之慮夫以無人之缺而委員署理亦謂地方事務非官不能治耳若此缺既已選補有人則一邑一官自應責之使治倘或治而果善留之可也治而不善撤之可也乃必紛紛互調其意何居相應請 旨飭下各督撫力矯時弊勿以調缺而調劑私人庶有職守人員各顧考成而於吏治民生均有裨益 上諭御史陳其璋奏現任官員調署別缺既多情弊亦礙考成請飭各督撫力矯時弊等語實缺人員必久於其任始能周知地方利弊若紛紛吏調在該員既不免存五日京兆之見且

雖保無徇私調劑之弊嗣後各該督撫於實缺人員不得任意吏調以杜流弊○庚子 上諭 慈福端  
佑康頤昭豫莊誠壽恭欽獻崇熙皇太后前請安○諭軍機大臣等有人奏特參湖南省幕請旨查辦各  
摺片據稱湖南省幕任麟卽任小棠又名任子齡入長沙府幕兼管臬篆遇事把持擅作威福門徒布滿  
通省候補通判蔣聯庚知縣呂汝鈞從九卽同春皆諂事任麟或濫開局差或薦司刑幕候補通判劉鐵  
以四百金拜門得署鳳凰廳要缺同知詞訟案件兩造必各繳官錢方爲審訊任麟又與已革同知徐泐  
夥開錢鋪典當家資至數十萬金另立一任子齡之名報捐通判職銜遞保道員又巡撫衙門幕友吳立  
達勢燄愈高聲氣愈廣請一併查辦等語著陳寶箴按照原參所指各員逐款查明據實具奏毋稍徇隱  
另片奏署清泉縣知縣景天相賑災不報遇有命案勒令以重報輕前任衡山時捐案繁繁從未申報等  
語著陳寶箴一併確查具奏原摺一件片二件均著鈔給閱看將此諭令知之○廣福祥奏奴才於十月  
十一日會將漢江江神勝捷摺具陳在案是日接何魁威報初十日由駐百城擄高家集曲集等處五  
百餘級並擒逆目馬世潤正法添派何得彪帶馬步隊馳往接應又殺賊無算立燬堅巢我軍陣亡五名  
帶傷二十八名探知賊悉獸散河州之路已通當卽函請督臣檄署總兵李良穆督帶所部星赴河州安  
插難民詎料逆情狡獪猶在北原一帶滋擾致北路尙形梗塞理宜會合諸軍作一鼓殲擒之計第思攻

聖城者以克復爲要援危城者以解圍爲先河州圍已半年城中薪芻罄盡疲病交加岌岌然朝不保夕而賊係土著又復以逸待勞最足以老我師與其搜緝餘匪而草薶禽獮掃盪尙需乎時不如先解城圍而反客爲主操縱可由乎我遂於十二十三等日趕搭兩處浮橋並生擒著名逆首王大漢馬有伏正法查兩處渡口均關緊要前路進兵後路必須固守狄道口渡口以上以何建威一軍城隍康家崖渡口以上以葉占魁一軍填紮於十五日派馬步隊八營由狄道西山口進兵自帶十營及馬安良回勇四營旗由康家崖進兵次日齊集於太子寺此地險要派馬步兩營扼守十七日行抵近寧河之火石溝派馬隊往解其圍殺賊十餘名傳聞河州八坊逆目閔伏英等糾賊數千於四十里鋪抗拒官軍於十八日黎明督隊自火石溝猛進賊皆望風奔逃直抵河州城下重圍立解提雷雷正綰開城晤面並云昨夕城下尙有賊警今一旦蓮廳其誦詐誠非意料所及也隊伍所經三甲集太子寺大東鄉下東鄉賊悉遁藏此外如景古城高家集寧河堡均已解散計自渡洮至解圍僅二十日戰止六次殺賊數千前與督臣商約四路夾攻之法皆無所用足見軍情百變實因仰仗 天威稟受 方略俾師出無挫名城得克也而文武將士皆在前敵大小各戰無役不從均屬著有微勞其尤爲出力之文武員弁不揣冒昧叩懇 天恩先行獎勵 上諭董福祥奏迭次獲勝連破賊巢擒斬首逆立解河州城圍一摺甘肅回匪自四月間起事

以來河狄西寧賊蹤徧地自派喀什噶爾提督翁福祥統師剿辦該提督行抵安定節節布置奮銳進攻  
逆回磨聚洮河西岸勢甚猖獗九月二十七日分撥十營拾渡洮河轟破賊卡立將該逆擊退十月初二  
日該提督親督隊伍由邊家灣應軍前進左右山岔賊壘林立伏賊猝起我軍奮勇爭先斃賊甚夥初三  
日悍賊萬餘蔽山塞谷齊撲營盤各軍整隊齊出鏖戰二時之久賊始潰散該逆扼守洮河恃險抗拒初  
八日該提督復親率全軍及馬安良四營銜枚競奔詭逆堅卡重守並徧掘坎坑內伏鎗截抵死固守悍  
賊五六千從山口一擁而出我軍鎗礮刀矛齊進賊始返奔追剿三十餘里遂至三甲集將堅巢攻克初  
十日派何建威進搗高家集賊巢生擒逆目馬世潤正法復派何得彪馬步隊接應殺賊無算該提督派  
隊填紮固守後路十五日全軍由狄道西山以及康其崖兩路進兵齊集於太子寺圍逆目閔伏英嘯聚  
悍賊於四十里館負隅死拒十八日督隊猛進各賊望風潰散追抵河州重圍立解該提督渡洮河二十  
日迭獲大勝殺賊數千勢成破竹竄虜勇謀兼裕調度有方董福祥著先行交部從優議敘在事出力文  
武員弁不無微勞足錄自應量予獎敘翰林院編修李過道著以道府記名簡放先換頂戴並戴花翎  
知府用候選直隸州吳成基著免選本班以道員分省補用並賞加二品銜補用總兵葉占魁著以提督  
記名簡放並賞換依博得恩巴圖魯名號補用副將陝西寧陝營參將何建威著免補本班以總兵記名

簡放並賞加提督銜留省補用游擊何得彩著免補參將以副將儘先補用並賞換博多恩巴圖魯名號  
儘先副將薛成德著免補副將以總兵記名簡放並賞加提督銜儘先游擊馬安良著免補參將以副將  
儘先補用並賞給銳勇巴圖魯名號副將銜儘先游擊張珩光著免補游擊以參將儘先補用並賞給摺  
勇巴圖魯名號記名提督王鉞安著交軍機處記名遇有提督總兵缺出開列在前請旨簡放並賞給頭  
品頂戴記名副都統寶良駐防蒙古佐領奇克仲布著以副都統交軍機處開列在前請旨簡放並賞給  
頭品頂戴記名總兵何美玉著交軍機處記名遇有提督總兵缺出請旨簡放記名總兵湯殿恆著以提  
督總兵記名簡放儘先副將張進昌山東儘先副將朱廷芳陝西儘先副將孔高明陝西補用副將趙達  
元留甘副將岳登龍補用副將李乾均著免補副將以總兵記名簡放並賞加提督銜張進昌並賞換喀  
拉春巴圖魯名號朱廷芳著賞換福隆阿巴圖魯名號參將張銘新秋登平均著免補本班以副將儘先  
補用張銘新並賞給法鑾凌阿巴圖魯名號秋登平並賞加總兵銜推補副將儘先參將謝典禮著免補  
參將以副將儘先補用並賞給綬勇巴圖魯名號陝甘補用游擊董陞官儘先游擊王時應馬明琪均免  
補本班以參將儘先補用並賞加副將銜王時應並著戴花翎儘先都司保旺劉廷賢均順補用都司  
陝西榆林鎮標守備丁際昌補用都司馬復保均免補本班以游擊遇缺儘先推補並加副將銜藍翎陝



甘肅標守備洪瑞陝西提標候補守備黨志振儘先守備張其光應大有留閩儘先守備楊讓梨均著免補都司以游擊儘先補用並加副將銜洪瑞並賞換花翎黨志振楊讓梨均賞戴花翎藍翎儘先守備歐陽魁著免補守備以都司儘先補用並賞換花翎藍翎補用守備石慶良升用守備延繪鎮標千總楊福甲藍翎千總馬海彥均著免補本班以都司儘先補用石慶良並賞換花翎五品頂戴把總于福著免補千總以守備儘先補用並賞戴花翎山西截取知縣來維禮著免補本班以直隸州知州仍留原省補用並賞戴花翎藍翎分省補用知縣金承陰著免補本班以直隸州知州留甘補用並賞換花翎俟補缺後送部引見候選直隸州同王世相著免補本班以直隸州知州分省補用並賞戴花翎知縣用分省補用府經歷何沂著免補本班以知縣分省儘先補用並賞加同知銜賞換花翎舉人朱聯奎著以知縣分省補用並加同知銜賞戴花翎甘肅試用縣丞楊棗榮著免補本班以知縣仍留原省遇缺即補並加同知銜賞戴花翎藍翎五品銜陶貢生于癸春著以引判分省補用並賞換花翎三品頂戴臨洮衛土司世襲指揮使趙元銘著賞換二品頂戴並賞給騎勇巴圖魯名號以示鼓勵餘著照所議辦理仍著該提督剿平河狄一帶餘匪搜捕淨盡並激勵將士乘勢分途扼剿迅掃逆氛以期早日肅事又據楊昌濬奏官軍迭次獲勝踏平賊壘及河橋平戎兩驛接仗情形一摺現在河州之圍已解楊昌濬所統各軍及剿辦

西路各軍均尙得力自應一體施恩參將金恆林游擊王正坤均著免補參將以副將儘先補用副將劉璞著以總兵記名簡放陣亡之千總劉進才著照守備例從優議卹把總李定堃五品軍功莫泰和六品軍功高得勝榮湛均著照把總例從優議卹從九果承烈著照從九品例從優議卹以慰忠魂○癸卯大祀 天於 闕丘 上親詣行禮○上詣 慈福端佑康頤昭豫莊誠壽恭欽獻崇熙皇太后前請安○

甲辰諭軍機大臣等鳳林奏五臺山菩薩頂於本年八月間不戒於火延燒倉庫樓房多間等語著胡聘之查勘情形應如何籌款量爲修葺卽著奏明辦理將此諭令知之○諭前據御史陳鼐奏參山東藩司張國正前在福建臬司任內各款當令邊寶泉確查具奏嗣據邊寶泉覆奏張國正官閩年久頗有更才被參各款查無實據復經諭令李秉衡查看該藩司能否勝任據實覆陳茲據奏稱張國正於應辦公事尙屬認真等語仍著李秉衡隨時留心查看如有不能勝任之處卽行據實具奏至原參之前任福建龍巖州知州盧慶雲南安縣知縣龔軒著福防同知唐雨時均經過邊寶泉查明尙無營私證據仍著隨時察看○丙午劉坤一奏各軍陣亡員弁勇丁親屬應領卹銀每有乾沒假冒之弊應飭該總兵官造具花名清冊注明籍貫詳請咨部由部分別開單行文各原省督撫轉飭該州縣查明的親家屬取保給發不准奪差抑勒需索以期實惠下逮請 飭部核議施行下部議奏○丁未以清銳爲內閣學士○戊申

上請 慈福端佑庫頤昭豫莊誠壽恭欽獻崇熙皇太后前請安○已酉 上請 壽皇殿行禮○兵部  
左侍郎曾卒贈太子太保銜賜卹如例○庚戌諭軍機大臣等有人奏甘肅營官王正坤駐防河州積  
石關私逃歸省被回匪截殺勇丁傷亡殆盡督臣楊昌濬復令招勇駐防白塔川八月間圍目康遠張正  
源等擊斃回匪將首級器械解省王正坤半途奪據爲己功并暗喚回匪圍攻康遠隨即率軍潛逃督  
臣反爲飾詞請獎請飭查明撤銷保案等語王正坤習功各節前有人參奏業經諭令董福祥查明具奏  
茲又被人參劾該提督歸入前次所參各節一併確切嚴查如果屬實卽行參奏毋稍徇隱原片著鈔  
給閱看將此諭令知之○諭軍機大臣等有人奏山西河東監掣同知張貽瑄營私牟利病民害商當經  
諭令前任巡撫張煦確查具奏未據查覆茲又有人奏河東鹽務滯銷由於監掣同知張貽瑄私購畦地  
私開鹽店縱容家丁勒索食鹽築壩失修私販偷盜該同知蒞任年久植黨營私商民俱困請飭查辦等  
語著胡聘之按照所參各節並前撫張煦查辦之案一併確切查明據實具奏毋稍徇隱原摺著鈔給閱  
看將此諭令知之○楊昌濬奏回匪圍攻河州官軍分路進援於十月十八日直薄州城城圍立解當將  
大概情形電請總署代奏十月二十四日奉電 旨楊昌濬董福祥先後電奏河州解圍軍威頗振覽奏  
欣慰俟奉到詳細情形再降諭旨河州本係賊巢忽起忽伏最爲狡譎宜慎重進取勿墮其計省路想已

疏通西甯尚在圍困著蕭福祥分兵速援甘涼一路楊昌濬亦應派兵兼顧欽此仰見 聖謨威運欽服  
莫名先是准固原提督雷正綰咨稱九月二十三日偵探北路官軍進駐哈臘渡連破賊壘進紮魏家  
堡遙望東西兩鄉及八坊回匪馬步約四五千紛紛擁上北源深慮阻我援師當派韓廷芝沈勳照率帶  
兵勇及民團守西南城鳳林營鎮南後營逢春中旗馬隊及徐錫祺親兵出駐西北城根另派精選前右  
兩哨及練軍堵截擗橋東來之賊精選中左營哨堵截西來之賊而以陳元華帶精選後營從西門出擊  
雷正綰自率大隊由舊家坡直撲北源該匪口含短刀兇悍異常我軍人人自奮往復衝突斃賊二百餘  
名哨長游擊劉大賁丁體元陷陣殞命並陣亡勇丁六十二名受傷者二十三名三十日該匪復從八坊  
出攻民團莊堡另股由擗橋直取城根並於北源列隊放鎗勢甚兇猛雷正綰一面派隊佔城一面派劉  
宗璋馬隊從西門出另調大礮視賊稠密之處憑城轟擊以陳元華帶精選後營親兵衛隊及鳳林鎮南  
各營出東門分投迎剿自辰至酉鏖戰竟日約斃賊一百餘名我軍陣亡勇丁二十五名受傷哨長一員  
勇丁九名此二十三日暨三十日河州城邊戰狀也其河州北路自李良穆進紮黃河南岸十月初二日  
率隊進攻賊卡逆首周七十馬承壽等率黨憑險拚命堵禦初六日黎明李良穆派馬隊從寬家壩一路  
察看虛實偵匪約二千餘蜂擁來撲而東山及蓮花臺之賊亦出隊應援當派潘長清易谷芳擊東山連

花灘一股與昌佐金恆林全魁龍擊買家塢一股李良穆自率大隊由五里坡東坪進擊金恆林全魁龍兩營首先赴敵與昌佐繼進鎗斃刀矛並舉該匪遂紛紛敗退而東山及蓮花嶺之賊亦潰竄歸巢初十日來拉溝馬營等處之賊糾集大股由崇王家拉虎溝等處衝出經陳宗蕃王正坤朱昇達陳明山各營攔頭迎擊王功崇廖葆泰各率馬隊從東北面分路包抄張振發堵禦羅家堡一股陳宗蕃自率大隊會合王正坤各營由山坡直撲崇王家拉虎溝之賊賊敗走還巢十二日該匪一從拉虎溝出一列隊於蓮花渡河灘意圖阻我軍道陳宗蕃派王功崇廖葆泰率馬隊分投進攻自率大隊與王正坤從中路迎擊正應賊聞賊忽分三股衝突前來其蓮花渡河灘一股經廖葆泰迎擊斃賊約數十名拉虎溝一股經王功崇及于總道正林迎擊斃賊三十餘名道正林首先陷陣立時殞命其平地山坡一股陳宗蕃與王正坤用洋鎗連環擊斃賊尤夥奪獲軍械多件時李良穆進紮黃河南岸因後路回匪不時出擾梗塞運道十三日黎明派金恆林由黃家塢進滯長清山東坪進王在耘全魁龍直攻蓮花嶺賊營自率大隊接應而以武毅新左營馬隊為左右包抄該匪見我軍猝至列隊迎拒王在耘全魁龍奮勇衝殺殘賊頗多遂向黃河及大夏河一帶狂奔復經李良穆及新左營馬隊截擊殺斃溺斃者約二百餘名並奪獲騾馬旗幟等件正在攻打賊壘忽另股由東溝出擾哨長蕭芳仙登時陣亡并陣亡勇丁十六名賊由黃家塢

東坪衝出者均經我軍擊敗十五日傍晚河北之匪出馬隊數千圍攻白塔寺營壘以斷我軍河南各營糧路陳宗蕃商調王正坤陳明山兩營由山坡進廖葆泰由河邊進王功崇由河灘進兼為兩路接應而自率中左兩營直攻賊卡斃賊頗多其餘河灘之賊亦經馬隊擊敗竄上山坡又經王正坤攔頭截剿直至十六日黎明賊復由河邊溝口竄出經廖葆泰馬隊奮擊仍縮入溝地勢既險該匪復用叉子鎗兩面埋伏我軍未能深入收隊後仍傳集各營四更出隊并添調團勇二百名為嚮導由山後包抄陳宗蕃仍自率中左兩營由大路進剿該匪列隊迎拒陳宗蕃奮勇衝擊斃賊數十名賊忽分兩股衝出一股由東面河邊經廖葆泰馬隊截擊一股由北面山坡經王正坤及團勇截擊賊不得逞仍入溝蟄伏然三面截剿殺傷已屬不少是夜偵探該匪忽於四更時遁走當派隊進剿該匪越山狂奔時值昏夜僅獲其車械皮筏截其落後之匪十八日李長穆率所部攻擊賈家塢蓮花臺等處賊卡該匪望風狂竄一面追擊一面躡平各賊卡至日暮收隊偵探何家堡西岸賊卡猶有匪黨踞守十九日仍率所部搜剿而前遂入河州適提臣董福祥已先一日抵河州查河州一城被圍數月自提臣董福祥渡洮眾戰皆捷該匪震懾兵威旬日之間城圍立解固由提臣董福祥擊蕩夙著謀勇兼優所致亦幸賴河狄各城堅守未失而北路諸軍無日不與賊持戰使該匪備多力分是以南路一師得以長驅直搗迅釋重圍臣接董福祥來書言

及此次事機順利實賴狄道保守危城進剿有下手處等語是此次南北兩路援河諸軍及以前苦守循化河州狄道三城文武員弁兵勇均不無微勞足錄伏查八月初八日奉 旨楊昌濬等奏循化解圍情形並河州擊賊獲勝各一摺覽奏均悉所有出力員弁著查明暫行存記等因欽此欽遵在案現值河秋肅清擬懇 天恩准將循化河州狄道三處戰守將士人等擇其尤爲出力者彙爲一案照吳常勞績獎敘藉勵軍心而策後效出自 逾格鴻施其陣亡之游擊劉大賈丁體元千總趙正林應魁 飭部從優議卹以慰忠魂西甯等處由董福祥分兵援剿甘涼一帶現飭永昌協副將劉璞總兵易順勝帶兵馳往剿辦河州善後事宜飭委蘭州道黃雲候補知府劉兆梅前往督同署河州知州查之屏設局辦理得有劉大賈等均著交部從優議卹其戰守將士人等著准其擇尤保獎毋許冒濫○辛亥 上諭 慈惠端佑康頤昭豫莊誠壽恭欽獻崇熙皇太后前請安○諭上年奉天鳳凰九連安東寬甸岫巖金州復州海城蓋平及熊岳牛莊營口等處各屬州縣均遭兵燹小民流離轉徙田地荒蕪困苦情形深堪矜憫現在遼南已復亟宜特沛恩施所有鳳凰屬等處民田旗地積年欠項及本年來年應徵糧賦等項均著一律豁免此外附近各州縣如有應行撫恤之處並著該將軍等迅速查明具奏候旨施恩用副朝廷軫念窮黎之意○壬子諭譚鍾麟奏械關焚殺多命經譚鍾麟派員督同營縣查辦該縣紳士李辰輝等事前

既不約束族人事後又復庇縱兇要當經傳案避匿不到實屬藐玩異骨候選郎中李辰輝著卽行革職  
舉人李辰筭容放藩署一併斥革歸案審辦○張汝楠奏據總兵葉占魁副將何建威先後稟稱隨同提  
臣董福祥赴援河州分道進兵於九月二十八九等日攻克朱家山平燬賊卡七處斃賊甚衆十月初三  
初八等日攻剿三甲集八路口等處擒斬尤多奪獲軍械牲畜無算連獲勝仗河州之路已通等情前來  
旋准提臣董福祥兩開迭次督率各軍獲勝情形與該將等所稟情形相符除由提臣董福祥奏報外所  
有陝軍會同董軍分道獲勝緣由理合附片具陳報聞○董福祥奏城圍甫解良民雖已受撫而伏莽尙  
多不悉芟夷誅鋤終不足以示懲創而安良善奴才從十月二十日起每日出隊搜緝除將河狄首逆閔  
伏英撤拉首逆馬言祿班齊海城逸匪馬匡二等先後擒斬統計生擒逆目九十餘名訊明誅會陸續  
奏報查核在案伏查河州地方山巖而地瘠漢少而回多回人不重儒術習教牟利厥教約有四端曰花  
寺曰蘇挾提曰洪門曰白莊四者並行惟花寺一教爲最盛其教主曰馬永琳不知其官秩若何而口稱  
軍功頂銜二品云前督臣左宗棠所賞意亦上年所招撫者也其長子武舉馬福次子馬祿三子文生馬  
鎮四子馬祥同惡相濟以其教下人周世祥卽周七十爲僞督師尤兇悍異常所傳之教男婦不下數十  
萬人其所居曰八坊附近城垣家藏僞印一顆有事號召兇黨千百立集其棲神最尊之所曰拱拜論經



坐會聚眾皆在於此本年撤回作亂馬承琳父子聚集教下匪徒自焚花寺掛牌坊陷漢民遂圍州城並四出焚掠至於全境糜爛圍城半年攻城數十次皆其父子執旗指揮乃萬目睽睽所共見奴才抵河後悉心察訪並查循化礙伯西寧之賊皆其親戚族黨聽伊使令因營留使召諭故前夾片有以賊攻賊之說今西寧圍久不解是該逆怙惡不悛陽為順服而陰蓄異謀可以概見因親至其所居附寨周歷查勘則見壁壘堅完濠塹深浚知其有負隅之意無悔禍之心因於本月初十日令各軍嚴陣擒其父子並周世祥至營案其偽印堅不承招俾河州知州查之屏同訊適蘭州道黃雲因事來河約同研鞫該逆供聚眾作亂圍攻城池堡寨殺掠河狄人民不諱伏查該犯父子等世受國恩不思竭力報効表率鄉閭輒敢甘心叛亂蹂躪地方窩煽罪大惡極雖皆有職銜而奏革不及或與緩則生變當即正法百姓爭踐其屍實足以伸天討而快人心此由仰仗 皇上威權故首從各逆皆漸次就擒不致久稽顯戮惟此外匪黨尙多誅鋤必求淨盡現仍日日搜緝軍械現據呈繳二千三百四十餘根又鎗一百九十餘桿刀一百二十餘把馬二百八十餘匹仍在勒繳不便家有藏甲西寧之舉初三日派行營營務處張成基帶馬隊三營前往循化米拉溝一帶剿撫以通大小峽之路據其來報米拉之賊皆迎至積口關投誠現駐巴撥營辦理諭令回目送糧於平戎驛前路是否能通尙無把握奴才遵 旨又派何得彪帶馬步四營往

授又調後路本軍隊伍與前開何建威一軍替換填紮俟此間辦理略就穩妥本軍隊伍皆來奴才擬卽帶赴西甯此時不敢輕動誠恐顧彼而此或疏虞也 上諭董福祥奏元惡授首餘逆就擒地方漸就安謐一摺河州逆首馬永琳父子與其黨周七十等同惡相濟聚集數十萬人分攻河甯蓄意叛逆河州解圍後仍復主唆逆黨久屯西甯竄屬罪大惡極經董福祥連日督軍搜捕逆首百餘名訊明正法並擒獲馬永琳父子立置典刑河州一帶地方漸就安謐辦理甚合機宜仍著督飭隊伍將匪黨搜捕淨盡毋留餘孽昨據楊昌濬電奏西甯亦已解圍此軍威振邊疆不難盡殲醜類迭奏膚功卽著該提督嚴飭各營將領會同楊昌濬所派各軍合力兜剿一舉蕩平用副朝廷綏靖西陲至意○癸丑諭繼洵奏鄂省文武微員三成養廉援案懇 恩免扣以示體恤允之○甲寅飭兩江總督劉坤一湖廣總督張之洞各回本任○諭軍機大臣等湖廣地方緊要鐵廠鎔鑄廠市經告成現當開辦鐵路整頓陸軍之際需用甚繁煉鋼鐵軌製造快鎗實爲當務之急銀元鑄成能否流通各省該督回任後均當加意舉辦以立富強之本○諭前據巡視東城御史文博等奏宗室魁茂咆哮公堂當經降旨將該宗室先行革去頂戴交刑部會同宗人府嚴行訊辦茲據訊明覆奏此案魁茂於不干己之事輒砌詞赴東城衙門呈控經該城發還原呈該宗室必欲傳訊到案後復不服審訊肆意咆哮實屬違刁藐法魁茂著照所擬罪名折衷懲禁該宗

室所犯係在徒罪以上所有宗室頂戴毋庸給還○乙卯 上諭 大高殿祈雪○以敬信署步軍統領

○諭軍機大臣等董福祥電奏四路搜剿獲其巢穴辦理甚合西寧尙未解圍所派五營能否得力仍著妥籌兼顧至逃亡難民如何安插已諭令楊昌濬派員前往並著該提督飭令作速辦理交查各件即著據實覆奏○丙辰 上諭 慈禧端佑康頤昭豫莊誠壽恭欽獻崇熙皇太后前請安○諭福潤奏特參統領管帶各員請旨懲儆等語淮河水師統領徐思忠心術不端營務敷衍併有遲廢餉項情事當即革職副將王在山李桂標撤防回省沿途隊伍不整馬匹亦多缺額均屬貧劣不職記名提督徐思忠請以副將降補殊屬寬縱著即行革職即補副將王在山儘先游擊李桂標著一併革職以肅軍紀○丁巳以陳蘇爲內閣學士○己未諭裕祿奏奉天辦理鄉團出力紳民暨陣亡團丁人等請分別獎勵並舉辦出力人員懇恩獎勵各摺片上年奉天遼陽鳳凰廳各屬紳民舉辦團練保衛桑梓自應量予恩施以昭激勸所有單開之出力紳民及片內所保各員均著該部議奏其另單開陣亡暨積勞病故之團總團丁著交部分別議卹○張汝梅奏 欽奉電傳 諭旨魏光燾電悉所部各營准其如數帶往所需月餉已飭部籌撥的款西安轉運糧臺著張汝梅督率辦理務使糧餉軍火源源接濟等因欽此遵即督商藩臬兩司就陝省督後局內附設西安轉運糧臺遴委幹員專司局務並行甘肅藩臬兩司速據委委員在涇州

靜寧安定三處各設分局預雇車馱以便節節遞運暨由陝藩庫先籌撥銀五萬兩委解前派董軍採辦委員馬積驛等查收採買糧草預備魏軍前敵之需一面通飭沿途州縣設法籌備車輛米麵草料以便軍行所至隨地供給所有魏軍糧餉軍火均由陝藩籌辦運解其奉撥的款亦由陝益收支造報一俟軍務平定即將糧草裁撤至涇州等處分局報銷亦歸陝藩核辦理下部知之○辛酉 上諭 慈福端佑康頤昭豫莊誠壽恭欽獻崇熙皇太后前請安○以胡橘葵為順天府尹○諭軍機大臣等有人奏州縣差役魚肉小民請飭裁革一摺據稱江北通州海門泰興如皋等處差役甚多欺壓愚民傾陷詐贓種種弊竇請飭革除等語著張之洞道舒翹按照所奏各節嚴飭所屬痛除積弊毋令姦役擾害閭閻原摺均著鈔給閱看將此各諭令知之○諭軍機大臣等有人奏湖北襄陽縣愚役李柏林於本年中秋毆斃將姓身死該縣知縣湯炳堃勒令和息意欲含混了結請飭查辦等語著譚繼洵確切查明據實奏參原片著鈔給閱看將此諭令知之○諭御史慶祥等奏考試現任筆帖式請嚴定章程由各衙門自行考試一摺著吏部議奏○癸亥以桂中行為廣西按察使○諭甘肅提督李培榮帶兵赴援西甯行抵平戎坐困數月頃據楊昌濬奏該提督嗜好甚深難期振作李培榮著革職不准留營○陳寶箴奏湖南各州縣收成歉薄請將本省境內裝運穀米雜糧往來售賣無論水陸卡局一概免收釐金其販運出省者仍

令於出境首卡完納一次俟至年繳總稅仍復照舊章辦理尤之○甲子 上詣 慈福端佑康頤昭豫  
莊誠壽恭欽獻崇熙皇太后前請安○諭軍機大臣等依克唐阿奏參天候補道余濬攬權州府罔上  
營私准補營口同知陳忠偉貪婪暴虐竊政害民協領英凱依附余濬耗帑勞兵請一併革職永不敘用  
等語奉天為根本重地營務吏治均關緊要似此貪縱酷虐之員必應查明實跡從嚴懲辦著李培元按  
照原參所指各節確切查明據實具奏毋稍徇隱原摺著鈔給閱看將此諭令知之○諭依克唐阿奏差  
弁不守營規請旨嚴懲等語雲騎尉景海任聽馬兵查雲鵬私行出營勾通土匪關雙海持械詐贓不向  
攔阻實屬庸懦無能景海著卽行革職永不敘用以肅軍紀○諭陶模奏綏來縣盜回托為等在城內放火  
名正法請將出力官紳及陣亡武弁分別獎卹一摺本年九月間新疆綏來縣逆回托為等在城內放火  
起事經該營縣分派兵役捕拿當將首逆托為安起價格斃先後搜捕餘匪拿獲正法地方如常安謐辦  
理尙為迅速從九銜馬玉章著以州吏目歸部遇缺卽選藍翎把總吳啟山著免補把總以千總補用監  
生凌福緯著以巡檢歸部不論雙單月遇缺卽選附生賈寅卿著以縣丞歸部不論雙單月儘先選用  
候補都司曹喜著免補都司以游擊留於新疆補用並加參將銜陣亡把總王崑山著交部從優議卹○  
乙丑 上詣 大高殿祈雪○諭董福祥著調補甘肅提督仍著總統甘軍所有出敵將領統歸節制各

營中如有捏報勝仗侵冒錢糧者卽執法嚴懲以申軍律○以張俊爲喀什噶爾提督○諭軍機大臣等御史溥松奏京城內外匪徒滋事請飭嚴拿一摺著步軍統領衙門順天府五城御史按照原奏所指各匪徒姓名住址一體嚴拿務獲送部究辦○諭崧蕃奏查明已革藩司岑毓寶被參案內各員分別懲儆等語在籍放東候補道李光翰干預公事人言嘖嘖著卽行革職副將馬桂失察兵丁致斃人口著交部議處該員業經前赴山東聽候差遣仍著李秉衡隨時察看參將劉銳恆跡近黃緣似滋物議著撤去防營差使交崧蕃隨時察看○戶部奏上員外郎陳熾振興商務條陳其略曰中國之茶務昔盛而今衰以出口之數多寡較之而瞭然可觀矣竊慶道光以前每歲出口之茶約值銀五千餘萬兩其時通商僅廣東一口各省茶務均須販運粵東由總商與西人定價總商氣餒薰灼不惟華商趨承恐後卽西商亦惟命是從所謂十三行者是已然而商務日興稅收日旺茶葉出口之數日益增多此極盛之時也旣而諸行倒閉五口通商各省之茶分由各口販賣中國種茶之地運茶之商其數日增而中國出口之茶所值之數乃日少至光緒二十年出口總數僅值二千二百餘萬金較之嘉道以前頓減大半稅釐之項亦隨之而併減昔則茶少而值多今則茶多而所值反少者其故有三一則印度日本之仿種太多也英國當日銷中國之茶歲約三千餘萬恐利源外溢銳意收回運於印度亞山地方以重價僱募中國茶師教土

人以栽種製焙之法綿互二千里茶樹成林近復推廣於錫蘭一島參用新機製焙無論製茶多少色香味一律無殊出口之時不徵稅鈔專以賤值與中國爭衡上年出口之數較中國多至一半泰西自俄羅斯外英法德奧意比諸國皆銷印度之茶無復飲中國茶者以其價廉而物美也當日美國銷茶尤廣自日本廣行仿種亦減收出口稅以機器製成美國之利盡為所奪敢謂守此不變再逾十年中國茶業必至無一箱出口而後已此其攘奪利權者一也一則中國皆散商洋商之抑勒太甚也今中國之茶止銷俄國購茶者皆俄商即英德各國商人皆與俄商辦運者耳自各國通商而後中國富商大賈尙能顧全大局力與維持惟千金數百金之小商資本無多只求速賣於是操雜偽貨跌價爭售之事起洋商欺其愚懦因而始則放價繼則故意挑剔低盤割磅之弊生每以一人掣動全局今年茶葉萬不能留至明年洋商不買即無銷路資本半由揭借至期不得不還遂相率以至賤之價哀求洋商購買而折閱難堪矣然應交之捐釐稅課如故也因而傾家敗產落逃虧閨無所不有彼此視為畏途通十年計之幾無一年獲利者通十人計之幾無一人獲利者茶市敗壞至於此極尙忍言哉此其把持商務者二也一則山戶與商人互相嫉忌初輒操價居奇也茶自穀雨抽芽採摘製焙而成爲時不過半月粵商當日入山採買知其急欲求售勒價聯附在所不免山戶日久知商人以賤價買之而高價賣之也遂故操其任意居

奇山戶固不能不傳商人攜銀入山亦復不能不買比年遂多以高價買之山戶以賤價賣之洋商者山戶偶然獲利而茶商無一不虧他日必致有貨不能傳或皆洋人自行入山採買而後已此局一定除一子口半稅外捐釐盡付東流矣此其敗壞市面者三也噫茶務之江河日下至於今日弊之敝衣破屨自上至下自表至裏皆鈔朽敗壞補救無從似此絕大利源惟有如秋空浮雲聽其自生自滅而已矣雖然當無可設法之中有四法焉可以噓枯吹生使萬象頓回春意者則在國家洞悉本源以維持保護之而已請預言之一曰多用機器口茶濃厚略如雲南之普洱茶然色味雖濃而馨香遠遜西醫之考求飲食各品者咸謂華茶性味和平於人身有益無損印茶燥烈少害多難積習難變然此一語即華茶山衰復盛之機惟印度日本之茶雖層次等而機器製焙精潔無倫中國製茶之時最畏陰雨若連雨十日茶芽將老不能摘葉含水氣則以火烘之甚則烟氣薰人色香俱變且人工炒焙不能無優劣粗細之殊洋商於百箱中檢出一箱劣茶餘均以劣茶定價欲整頓一律則時日迫促天時既不能定人力實不能齊此必窮之道也惟參用機器烘焙炒火候均勻物皆精美雖欲藉口挑剔其道無山而一人可作十人之工所出之茶亦愈廣矣且西商載茶回國船行赤道之下天氣蒸鬱時閱一旬茶之稍次者往往霉變兩人喜用印茶者由印度至泰西計時減十日則霉變亦稍稀也近日俄商在漢口九江以機器茶亦



製作茶磚如古者龍圖鳳圖之類運至英法各國羣喜購用視若珍奇因磚茶堅實可儲數年雖由赤道經行色香味絲毫不變也茶亦爲中國下乘視同棄物而西國珍之俄商利之設以佳茶製造西人之以重何如此由華茶性質本佳亦中國收回利權之樞紐也宜飭各關道酌提款項選募中外茶師各一人密赴印度考驗製茶之法購買機器入山製造壓磚機器涉漢已有十家亦購一分入山以佳茶試辦仿小龍團舊式精益求精試辦有成然後酌提官款以爲之倡令富商大賈廣集公司多購機器備置出茶之地馴至種茶皆機器所製則性凶之美過於彼製焙之精同於彼而茶商山戶一氣呵成當日勸價極價諸弊端亦不禁而自絕矣二曰准設小輪華茶之美者以安徽之婺源江西之寧州福建之武夷湖南北之羊樓峒等處爲大宗而婺源寧州茶船均須度鄱陽湖南北之茶大半須度洞庭往往茶市屆期阻風二二十日後到之貨多受西人抑勒虧折不支亦有日久茶味已變者四省茶商屢請自置小輪在湖拖帶以免延遲而地方輒以無據之言橫相阻撓其實捐蓋一切已在山內徵收出茶貨茶均有定地何從偷越徒苦商民而已宜准令各商在鄱陽洞庭兩湖置輪拖帶或由官設立酌收其資惟四省茶船將及萬艘每湖必有小輪船十號梭織往來然後茶市不致後期行旅咸占利涉保我商賈卽所以保此捐釐耳由武彝至廈門水陸程途亦多艱險如能修一鐵路則運費日省商務日興其所關均非淺鮮也三

曰創立公棧西商屬輪挾資買茶中國決無空回之理華商之茶固不能不賣彼西商亦不能不買也而西商之敢於抑勒者皆由中國散商太多跌價拾售之故欲合散爲總自非官爲聯絡增立引票不爲功然目下諸商皆無遠慮况官商隔膜已久驟興此議不以爲體恤之而以爲魚肉之也日後假手吏胥則魚肉亦意中事耳上年湘撫吳大澂備悉商艱擬集商股爲總行西商抑勒卽由總行購買自運外洋而不知其諸多窒礙也衆商屢請抽小費立公棧散商各圖自便議亦無成由官不悉商情不能主持定議夫此公棧之說卽潛移默轉合散爲總之根也今日茶商運茶至埠中國茶棧皆逼窄不能容惟洋行高大寬深可以堆放各就其素曾交易者運而入之貨已入行價仍未定嗣後欲移售他處百倍艱難如有一小商同在一行以賤價先賣則不得不吞聲忍氣苟且成交貽受西商之抑勒矣其故由於中國茶棧無地可容故先入行再行讓價種種不便從此而生宜令江漢關道曉諭諸商設立公棧務極寬廣可容數十萬箱每準酌借官款十萬金卽能成事實茶之後按箱扣還令茶船至埠之時皆運存公棧不准一箱先入洋行讓價時可東可西由吾操縱散商搶售不顧大局者公棧得而罰之則割盤割磅放價勒價諸弊端皆不去而自去然後九江上海廈門等處仿照辦理華商氣象爲之一新大局有轉移之望矣四曰暫減捐溢西人豈用印茶者豈不知印茶之不若華茶哉貪其價廉耳印茶之廉由於參用機器者半

由於不徵稅鈔者亦半華茶則稅鈔不能減捐益方且讓增是驅之用印茶也況華茶銷路已減其半及今不急思補救日後將無茶商既已無商稅從何出前赫德條陳其事請減稅釐無如督撫關道僅顧目前動以款項支絀爲言置諸膜外夫稅釐之短絀由於商務之利成商務日興稅務日旺天下事固有  
多取之而不足寡取之而轉見有餘者莫切於今日之茶務矣今出口稅及子口半稅關係洋惠未敢輕  
議減收至於內地釐金及各項捐箱捐普堂捐外銷款項均請一律暫減三成俟他日茶務復元再行  
規復由部定議請 旨飭行要之捐釐減一分華商多一分之生氣即增一分之利源洋商買一分之便  
宜即廣一分之銷路果使日漸振興每歲仍銷至五千餘萬兩卽不必規復舊額而已多收一半之捐銀  
矣明爲恤商賈實裕 國亦何苦刻舟求劍癩商病國爲叢廠爵爲淵殿魚致中國茶利盡爲印茶所奪  
哉此四者如能才次並舉則華茶銷路必年廣一年期以十年不復道光以前之辦額者無是理也卽有  
一二端見諸施行當此積痼積困水深火熱之時亦必有成效之可見惜中國官商情形隔膜勸以崇本  
抑末之說視商人之盈虧成敗漠然不加憂戚於其心持此以與泰西各國通商如下駟駑駘追蹤騏驎  
必使中國盈天下無一富商所有利權皆歸彼族上下交困仰人鼻息以爲生如今日之緬甸暹羅越南  
諸國興言及此其可愛可懼可危者又豈僅茶務一端而已哉奏入下戶部議奏○內實雲